

SERMO ACADEMICUS

D E

CIVIS MEDICI IN REPUBLICA CONDITIO

ATQUE OFFICIIS

EX LEGE PRAECIPUE ERUTIS

Q U E M

Professionis Medicae adeundae causa

die XXIV. Novemb. MDCCLXXXV.

recitavit

IOANNES PETRUS FRANK

MED. ET PHIL. D.

Pridem in Regia Goettingensi,

*Nunc in R. I. Ticinensi Academia, Theoriae
practicae & Medicinae Clinicae Professor,*

*Acad. R. Goettingensis & Electoralis
Moguntinae Sodalis.*



TICINI MDCCLXXXV.

APUD PETRUM GALEATIUM
SUPER. PERMISSU.

X 3 X

D E

CIVIS MEDICI

IN REPUBLICA CONDITIONE

ATQUE OFFICIIS

EX LEGE PRAECIPUE ERUTIS.

Qui fraterno inter se vinculo constricti, Republicam cives efficiunt, ii catenam constituunt, cuius innumeri annuli, magnitudine quidem inaequales sunt; sed quorum nullus aut obduci rubigine, aut ab alio alius, sine totius vitio, potest dissolvi.

Quodsi *Medici*, in tam longa annulorum serie, locum, & diversum cum aliis nexum considerem PATRES *sapientissimi* & AUDITORES *honoratissimi*: Videor mihi non indignam vobis elegisse orationis hodiernae materiam, & quâ, tum meam in Academiae huius celeberrimae gremium assumptionem honorificam nunc auspicer, tum, pro officii mei ratione, in conspectu vestro amplissimo, mox ab iis exordiar, quae Respublica tum *medico ordini* liberaliter concessit.

rit , tum a Viro Medico , ut *cive* suo , exspectanda , — & ad quae tandem se ex illis quisque , si boni civis locum & honores ambiat , habeat praeparandum .

In ea semper me versatum esse opinione fateor Auditores , paucis tantummodo mortalibus tam rudem tamque perversum esse animum , ut , si , quid *civis* , quae loci , quem vel minimus ex his occupat , sit dignitas , quae muneris sui natura & ratio , quae denique a suo in Republica loco , in ipsum reduntent bona , non omnino ignoret , — tantarum rerum oblivisci , propriaeque sic dignitati stultissime queat renunciare . Quodsi haec omnia , pro illis , qui artem salutarem in Republica profitentur , longe maiora sint , & officii huius ratio finisque ultimus , obiectum , quod assequatur , nisi *Reipublicae conservationem* , aliud non habeat : Vereor omnino , ne materiarum exponendarum copia , in tanto Virorum illustrissimorum & celeberrimorum confesso , me potius obruat ; neve obiectorum orationis meae nobilitas , quamvis hoc loco dignissima , me , tenuem certe Oratorem , confundat , & exspectationi Vestrae parum satisficiat . Contingit enim & haec mihi hodie difficultas , quod in eo ipso loco , quo Professorium munus in me suscepturus sum , summos in arte Viros , VALCARENGHIUM , BURSERIUM ,

atque TISSOTUM confedisse non ignorem : ita ut , nisi vestrae in me , quamvis natione peregrinum Vobis Virum , benevolentiae iam tanta dedissetis pignora , — nisi gratitudinis propriae , & fervoris , de Vobis & Republica bene merendi , mihi tam intime essem conscius , — nisi demum GEORGIA AUGUSTA , cuius semper magnum nomen & apud *Germanos* fuit , & apud omnes , qui litteras colunt , populos semper erit , me non indignum iudicavisset , cui cathedram *praxeos Medicae* , illustrissimorum etiam Virorum , RICHTERI , SCHROEDERI , BRENDLII , VOGELII , BALDINGERI , nominibus condecoratam , ascenderem , — ut , nisi haec , inquam , prae oculis haberem , non sine arrogantia hic possem , vel sine erubescencia , comparere .

In exponendis vero *Civis Medici* in Republica conditione & officiis , inter alios , magna cum felicitate versati sunt Ioannes BOHNIUS (a) & Iohn GREGORY (b) : ita ut eiusmodi laboribus aliquid addere , videri debeat difficillimum . Haec materiae dignitatem demon-

(a) De officio Medici duplici , clinici nimirum ac forensis .

(b) Lectures on the duties and qualifications of a Physician . London 1772.

strant. Cum vero res omnes varias habeant, quibus considerari queant, superficies, &, sub alia luce posita, obiecta exhibere videantur oculis diversissima; supererunt aliqua non infimi ponderis & a me quoque cum fructu aliquo pertractanda. In his vero breviter quidem, sed ita versabor: ut *primum*, quem in Republica Medicus locum occupet, quidve *leges Medicorum ordini* praecipue concefferint; — *secundo* vero, quem Reipublicae se exhibendum habeat, lege id iubente, *Medicus*, & quibus eidem officiis adstringatur, ne Vestra demum abutar patientia, absque ambagine exponam.

Qui artis suae Apologiam in se suscipiunt, ii, more veterum, qui vix non omni Reipublicae pro fundatoribus vel Deos ipsos, vel Deorum saltem filios concedunt, — prima illius initia talia deducunt, ut scientia altera non sit, quae parem illi nobilitatem originis audeat disputare. Possem & ego, Auditores, si arti, vel a titulis, vel a personis, quibus familiaris fuit, *sola natiuitate* illustribus, aliquid accederet, & *Deos* hic nominare & *Reges Medicos* (a); sed fatear potius ingenue, *Medicinam* ex infami

(a) Vid. HUNDERTMARK Exercitatio de principiis Med. tutelar.

plane concubitu esse progenitam !... Vitia enim & turpitudines hominum , artis illius matrem , — patrem vero desperatio se exhibent : qua singuli mortales ad ea tandem audenda feruntur , quae non nisi a genitoribus istis , possunt exspectari . Solus homo , si perpauca excipiamus animalia , quae aliquo , in morbis longe simplicioribus , *instinctu* , ad haec vel illa feruntur (a) , medicinam quaerit , mortemque armis ab ipsa natura concessis avertere ausus est ; quae , si faciendorum *ratio* & *experientia* defuerint , a *casu fortuito* desumere maluit , quam victas huic ultimo generis sui inimico manus tradere .

Primis certe temporibus , Medicinam omnes illi tentabant , qui huic , vel alteri aegroto consilium aliquod successisse , vel auditu compererant , vel propriis oculis aut viderant , aut saltem vidisse credebant . „ Apud *Babylonios* etiam , ait HERODOTUS (b) , haec lex sapientissima lata est , ut aegrotantes in forum deportent , quoniam Medicis omnino destituuntur .

VULGUS
MEDI-
CUS.

A 4

-
- (a) Non valde multum tribuas huic fonti Medicinae ! HALLER , bibliotheca Medic. pract. T. I. p. 3.
(b) HERODOTUS lib. 1. cap. 197. Edit, Iac. Gronovii .

Accedentes igitur ad aegrotum , inter se consulunt , si quis forte ipsemet eodem morbo laboraverit , aut alium laborantem vidisse se meminerit . Consulunt itaque facere idem , quod alii ad salutem fecerunt , nec fas est quemquam tacite praeterire decumbentem . Si nihil aliud ; tamen de morbo percunctari necesse est “ . Exposito sic , apud omnes fere Orientis populos , in foro & viis publicis , miserorum *κλίσματα* seu lectulo (a) , praetereuntium consilia expetebantur , & credebant , referente de *Affyriis* STRABONE „ neminem tam improbum fore , qui , sciens , non impertiretur (b) . “ Piaculum ergo tunc fuit , *Medicum* non esse , atque praeterire eiusmodi *publice expositos* , antequam quis ad eorum reficiendam salutem ; qualemcunque suam contulisset operam (c) . Eandem planè consuetudinem & *Aegyptii* & *Lusitani* observarunt : hisce vero non contenti , tum apud *Graecos* , tum *Romanos* , & *Deo incubare* , Medicinae exigendae gratia , in *Aesculapii* fano aliisque

(a) Genus *lecticae* fuisse , ait SCULTETUS ; Exercitat. Evangel. L. I. c. 97.

(b) STRABO , Geographiae Lib. XVI. Edit. Almelovenii ; p. 1082.

(c) Vid. HUNDERTMARK artis Medicae per aegrotorum apud Veteres in vias publicas & templa expositionem incrementa .

templis, aegrotos fecerunt, non sine praemiis, quibus numina sibi propitia redderentur, & ad mittenda *somnia laeta* incitarentur, conditionibus: a cibo enim & potu, ut Deorum commercio digniores accederent, per aliquot dies abstinebant, arietes & oves immolabant, quorum *pellibus* substratis incubantes, sibi *Deos* non defuturos esse confidebant (a). Antequam vero sacrificium arae imponeretur, lustrari lavarique oportebat: tum in templo decumbere & somnum capere. Quiescentibus *Sacerdos*, *Aesculapii* habitu indutus, comitante filiarum caterva, accedebat, necessaria aegroto administraturus (b). *Romani*, si quos *servos* in *insulam Aesculapii*, quod nonnisi cum desperatis facere amabant, exposuissent, Deoque curandos sic commisissent: lex sanctissima omnes *liberos* esse sanxit, nec redire in ditionem Domini, si convalescent. Quodsi vero necare quem mallet, quam *exponere*; caedis crimine reum legislator esse voluit (c).

(a) PAUSANIAS, in Atticis; c. XXXIV. p. 84.
VIRGILIUS, Aeneid. Lib. VII. v. 85.

(b) H. MEIBOMIUS, Dissertat. de incubatione in fanis Deorum Medicinae causa olim facta.

(c) SVETONIUS, in *Tib. Claud. Caesar*, cap. 75.

SACER-
DOTES
MEDICI.

Qui vero hisce Deorum consiliis sese re-
stitutos credebant, ii *Aesculapii responsa*, in
gratae mentis tesseram, si ditiores essent, *co-*
lumnis incidi, si tenuioris sortis, *tabulis* inscribi
& in templo suspendi curabant (a). Mos iste
eo magis Sacerdotibus *Aegyptiis* in usu; cum
liberati morbo, in templis scriberent, quid
profuisset (b); & ne sacra illa arcana cuivis ex
Vulgo in propatulo essent, sacrorum Ministri
ea aut hieroglyphicis figuris consignabant, aut
sacrario conscripta deponebant (c). Sic ideo
Sacerdotes maiorem sibi consiliorum partem mox
reddentes propriam, atque ex quotidiana occa-
sione *sacrificandorum animalium*, atque ex *con-*
diendorum, apud *Aegyptios*, *cadaverum* consue-
tudine, vitia & defectus in his obvios exami-
nandi, prae caeteris civibus, animalis oeco-
nomiae mysteriis initiati, *artem* sibi sacram
fecerunt (d). Nulli certe, nisi ex *Sacerdotali*

(a) Nunc Dea, nunc succurre mihi, nam posse mederi,
Picta docet templis multa *tabella* tuis.

De Isidei templo, TIBULLUS, L. I. Eleg. 3.

(b) PLINIUS Hist. natural. Lib. XXIX. c. I.

(c) Vid. Henr. LAMPE, Dissert. historico iuridica,
de honore, privilegiis & iuribus singularibus Me-
dicorum; p. 43.

(d) In *Aegypto*, Reges corpora mortuorum *ad scru-*
tandos morbos inscuisse, testatur PLINIUS,
Hist. nat. XIX. 5.

ordine, Medicinam facere in *Aegypto* licebat (a). Hic ex *sacris libris* curabat: quorum *sex*, ex *quadraginta duobus*, ab *hermete* conscriptis, *Medicinae* quasi *corpus* constituebant, & praecipue de constructione corporis, de morbis, de instrumentis, de oculis, & postremo de muliebribus tractabant, quarum rerum cura & studium *Pastophoris*, seu Sacerdotibus pallio distinctis, committebatur (b). Neque apud *Graecos* alia consuetudo obtinuit. Sic enim iam *ACHILLES*, cum *Graecorum* exercitus, in obsidione *Troiae*, peste premeretur, suavit *AGAMEMNONI*, ut *Vatem Sacerdotem* de *peste* consuleret (c). Ipsa *Aselepiadarum* familia Medica, per plura certe saecula, *Sacerdotum* sistit aliquod Collegium. *Germanorum* quoque *Druidae* quondam, tam Iudicum & Consultorum, quam Medicorum vicibus fungebantur (d).

Magna sic ex ipsa Medicina assumpsit incrementa *Sacerdotalis* apud *Ethnicos* dignitas, at-

(a) *DIODORUS SICULUS*, Bibliothec. Histor.

(b) *CLEMENS ALEXANDRINUS* Stromat. VI. p. 634. Edit. Sylburg.

(c) *HOMERUS*, Iliad. L. I. v. 62. seq. Vid. Christ. Fried. *SCULTETUS*, de *Medicinae* originibus sacris.

(d) Et hoc genus *Vatum Medicorumque*; *PLINIUS*, Hist. nat. L. XXX. c. I.

que haec ipsa magnos iterum in *artem Medicam* honores contulit: ita ut vix sciam, quid utrique potuerit accidere damnosius, quam facta demum inter APOLLINIS, aliorumque Deorum aras, separatio. Quodsi enim magnam *Artis* potentiam ex nervorum quoque dependere origine certum est: qui ipsi, fiducia commotaeque *immaginationis* energia mirum in modum reguntur; certe cum *Medicina*, *Deorum* condecorata *ministerio*, aegrotantium lectulos accederet, cum sacra profanis miscerentur mysteria, atque *incantationibus* auspicaretur morborum curatio, quarum partem, saltem *ceremonialem*, hinc nunquam respiciendam, faciebat *remediorum assumptio*: insignes omnino in mortalium animos, hinc & corpora effectus, nostris quoque temporibus MESMERI famosissimis curationibus *magneticis* ultra confirmatos, edere oportuit. Si ex altera parte *fiduciae* maioris vires consideraverimus, quam aegrotantes in assistentem sibi *Sacerdotem* exercent, quantaque sint, ex ipsis animae penetrabilibus eruendae morborum origines; quid non a tantis, in uno eodemque homine medico, dotibus potuerit exspectari!

Verum est, in opprobrium saepe, & divini sui ministerii, & artis, quam simul profitebantur, commixta sic officia convertebant, Deosque per artem iuvabant, artemque divinis interpretationibus.

Ipsi iam pridem *Iudaei*, referente SUIDA, in templi SALOMONIS Vestibulo, librum remedium omnium morbo accommodatorum incisum habuerunt, quem revulsit EZECHIAS Rex, quod populus, neglecto protinus, nec amplius invocato DEO, sanationem exinde peteret. Sacerdotum Collegio curam medicam, & de morbis cognitionem, fuisse soli iniunctam, leges docent de *Leprosi* sancitae (a). Neque *Prophetas* alienos semper fuisse a medicis consiliis, & praeceptis ferendis, ex IESAIA discimus (b); atque *Clericos Iudaeorum*, uti in *Aegypto*, & Theologum, & Iurisconsultum, & *Medicum* populo fuisse, contendit DELIUS (c).

His mutuis Sacerdotum Medicorumque apud Ethnicos praecipue officiis non indiguit certe *Religio Christiana*, quae sola iam, atque omni peregrino destituta splendore, mortalium animos maiestate sua percellit. Ast cum in nulla alia, *Charitas* proximi, ut in illa ipsa, pro fundamento sit: mirum esse non potest, si, testante EUSEBIO (d), a primis aevi christiani tempo-

(a) Levit. XIII. SCHULZIUS, *Historia Medicinae*, p. 62.

(b) XXXVIII. 21. II. Reg. XX. 7.

(c) Der ARZT in Deutschland in den älteren und mittleren Zeiten. S. 10.

(d) *Histor. Eccles.* L. III. c. 2.

ribus , *Sacerdotum* , quin & *Pontificum* , faciendi artem simul exercentium , exempla non defuerint , neque primis saltem *decem* saeculis prohibitam Cleris artem Medicam inveniamus (a) . Tempore *Apostolorum* per plateas collocabant aegrotos in lectulis , ut obeuntis *Divi PETRI* umbra obiecti convalescerent (b) . In variis hinc , *decimi* quoque *tertii* saeculi , diplomatibus , inter testes referuntur Medici , qui se ipsos dicunt *Physicos* atque *Clericos* (c) . Atque eo ipso , quod ex *Clericorum* ordine essent , semper immediate post Principum *Marescalcos* nominabantur , usque dum ad *Laicos* demum transiente *Medicina* , inferius sua nomina signabant (d) . Et *decimo quarto* saeculo , *honorabilis Viri , Magistri Ioannis de NORTHEIM , Physici , & Ecclesiae Moguntinae ad S. Ioannem Decani* , fit mentio (e) . In omni *Gallia* , usque ad annum millesimum quadringentesimum quinquagesimum secundum , ars *Medica* a *Clero* fere solo exercebatur , Medicique abhinc matrimo-

(a) Em. GONZALEZ TELEZ ad decret. T. I. p. 489. N. 9.

(b) Vid. FLEURY , Histoire Ecclesiastique , T. I. p. 12. & A& V.

(c) V. GUDENII Cod. diplomat. T. V. p. 48.

(d) DELIUS , l. c. S. 48. 9.

(e) GUDENIUS , l. c. T. III. p. 834.

nium inire non poterant (a) ; beneficiis autem Ecclesiasticis in Cathedralibus seu Metropolitanis Ecclesiis copiose fruebantur , atque nunc quoque gaudet in Ecclesia *Cameracensi* cl. FERRETUS , Medicinae Professor (b) . In ipso quoque *Imperio Romano-Germanico* , Physicos , i. e. Medicos , eiusmodi *beneficiis* Ecclesiasticis instructos fuisse , patet ex SIGISMUNDI *Imp. ordinatione* . (c) , atque ex *Concilio Lugdunensi* . Hinc qui ab aegrotis soltra aut capiebant , aut exigebant , criminis *Simoniae* rei a Patribus habebantur (d) .

Sed quibus demum non abutuntur rebus mortales ! disciplinâ monastica , animarum curâ saepe posthabitis , ad aegrotantes , non primorum temporum inixi Charitatis principiis , sed spe futuri lucri , & „ pro detestanda pecunia sanitatem pollicentes (e) “ , sensim sensimque allecti , accedebant quamplurimi . Unde *duodecimo* tandem saeculo , ab INNOCENTIO II. ,

(a) DOYEN , *Esprit des journaux* , avril 1781.

(b) *Etat de Médecine, Chirurgie & Pharmacie en Europe* ; pour l' Année 1776. p. 326.

(c) „ Es soll auch in jeder Reichstadt ein MEISTERARZT Sein ; der soll haben hundert gulden gelds , die mag er niesen von einer KIRCHEN “ , &c.

(d) V. HOSTIENS. & PANORMIT. ad c. 4. X. de Magistr.

(e) *Conciles du P. LABBE* .

Religiosis (sine iniecta *Clericorum* mentione) discendae *Medicinae* facultas , in Concilio *Rhemensi* , tam severe inhibita fuit : ut & Episcopi & Abbates „ tantae enormitati consentientes “ , propriis honoribus spoliandi venirent (a) . Dein & a Concilio *Lateranensi* haec eadem , & *legendi Medicinam* facultas , *Clericis* penitus fuit adempta (b) . Concilium item *Montispeffulanum* iniunxit : „ sub omni severitate Ecclesiasticae disciplinae , ne quis Monachus , vel Canonicus regularis , aut alius Religiosus ad saeculares leges , vel *Physicam* , legendas , accederet “ . Ob nova tandem in contrarium tentamina , a Concilio *Turonensi* lex nova ferebatur (c) ; & ultimo HONORIUS III. , *artis Medicae* prohibitionem in Clerum omnem , personatum habentem , *excommunicationis* ipso iure incurrendae , gravissima poena addita , extendendam esse credidit (d) , atque BONIFACIUS VIII. ulterius confirmavit (e) .

Non parum ad has ipsas leges *Medicinae* exercitium inhibentes videtur contribuisse vita,

(a) A. 1131. Can. VI.

(b) A. 1139. Art. IX.

(c) A. 1180. ALEXANDER III. in c. 3. X. „ ne Clerici vel Monachi “ .

(d) C. 10. X. „ ne Cler. vel Mon. “ .

(e) C. 1. in 6. cit. tit.

Clericorum *coelebs* : addunt enim rationem Patres in Concilio *Montispeffulano* : „ Nam magnopere , inquiunt , antiqui hostis invidia *infirmæ* Ecclesiæ membra præcipitare allaborat ; sed manum mittit ad desiderabilia eius & Electos , eosque nititur supplantare , dicente Scriptura , escae eius electæ “ : quod idem circiter , sed suo modulo dixit YORICK : Rem nullam operosior in hoc mundo esse , asserens , quam *feminae pulsum tangere* (a) . Quare & Divus CAROLUS BOROMÆUS , qui DEO militat , inquit , implicare se negotiis sæcularibus prohibetur *Clericus* ergo artem medendi non faciat (b) !

His vero non obstantibus , non *dispensatione* sola , sed & *Privilegio* , Clericis quandoque huius artis exercendae facultas fuit concessa : quin tamen *incisione* & *adustione* uti liceret ; quod iam ab INNOCENTIO III. Subdiaconis , Diaconis & Sacerdotibus fuerat prohibitum (c) . Sic a GREGORIO XIII. , *Societati Iesu* sub eadem limitatione , privilegium concessum est ,

B

(a) There are worse occupations in this World than feeling a womans pulse ! . . .

(b) In Actis primi Concilii *Mediolanensis* .

(c) C. 9. X. „ ne Cler. vel Monach. “ ,

ut Religiosi ex illa periti Medicinae , ex consensu & superiorum auctoritate, *deficientibus aliis Medicis* , medendi artem in quoscunque exercere possent (a) . Neque absolute *Religiosis* , nisi quoad *periculosam* medicinam , vel *incisionem* & *adusionem* , arte *Medica* interdictum fuisse , testatur Franciscus BELLIZARIUS (b) ,

Quod vero a chirurgicis operationibus magis abhorruerint leges Ecclesiasticae , variae movere potuerunt causae , & sunt , qui ex illo Iuris Canonici principio repetant , quod Ecclesia *sanguinem fundere* non velit : quo vero argumento *Adusionis* illi , non tamen universas illius species complectens , horror , necdum satis videretur explicatus .

Medi-
cina an
ors illi-
beralis?

Medicinam olim inter *illiberales* , sordidasque artes , quoad illam partem numeratam dicunt , quae circa *sectiones* & *usiones* faciendas , emplastra & collyria imponenda , & *castrationem Eunuchorum* , occupata fuit (c) . Interim neque haec semper vera , aut *Chirurgiam* a *Servis* semper excultam esse invenio , ULPIANUS

(a) Andr. MENDO , de iure academico ; L. II. qu. XXX. N. 367.

(b) Mannual. regul. Tr. VII. c. 5. Tr. 4. N. 215.

(c) L. 18. §. 10. ff. de instr. & instr. leg. l. 4. in fine ff. ad L. Cornel. de sic. PAUL. 5. Sent. Tit. 23. §. 7.

enim (a) *Medicum imperite secantem* actione ex Lege Aquilia conveniri posse affirmat , cuius tamen nulla in *Servos* cadere potuit obligatio (b) . Apud *Romanos* certe *Medici Chirurgiam* exercebant , sectiones , uisiones , & reliqua ad hanc artem spectantia , suscipiebant ; neque illos omnes in servitute vixisse , mox demonstrabo .

At medio certe aevo , ad *laniones* , qui *carnifices* dicebantur , quod ex substantia animalis viva , *carne*m facerent , spectabat potius *Chirurgia* , si rudem omnino atque in solis fere emplastris imponendis artem tunc versantem sic nominare possimus . Ii *laniones* corpora Magnatum , ut ea a morte sale condirent , cultro anatomico subiecerunt . Inter alia patet ex *chronica Montis Sereni* , ubi de WICHMANNO , Archiepiscopo *Magdeburgensi* , sub finem saeculi duodecimi (1192.) defuncto refertur : „ Mor-
„ tuo eo , quemdam *histrionem* , *carnificis* officio
„ functum esse , ventremque eius , cultro ape-
„ ruisse , & intestina eiecisse ; corpus autem
„ sale infusum , ne aestu corrumperetur , *Mag-*
„ *deburgum* esse adductum “ . Sed & verum est , NERONEM , quos mori iussit , cunctan-

B 2

(a) L. 7. §. ff. ad Leg. *Aquil.*

(b) L. 22. ff. de R. I.

tes ultra horam , *Medicis* curavisse , qui venam mortis gratia inciderent (a) ; & poenae quoque & ignominiae irrogandae causa Medicos , Chirurgiam exercentes militibus venam secuisse . At neque haec bonis omnibus probata sunt & a CICERONE Tyrannis obiecta . Iniqua vero de arte generi humano utilissima , hinc & nobilissima , idea , vel vanis hominum opinionibus nitetur , vel ob crassam eorum inscitiam nata est , qui chirurgiam seriori tempore exercuerunt , Semper ego hanc , *Medicinae* , tum dignitate & auctoritate aequalem , certitudine vero & necessitate multo maiorem habui , longeque arte Medica stricte dicta antiquiorem . Quandocunque igitur *Medicinam* inter & *Chirurgiam* facta sit separatio , quod divortium post ANTONINOS demum *Imperatores* factum esse , MENAGIUS credidit , (b) quamvis ne CONSTANTINI M. quidem temporibus , utrarumque fines satis distinctos fuisse , existimet LAMPIUS (c) ; — certum est , illam non sine magno Reipublicae damno , artisque detrimento insigni factam , & *Medicorum* vel *arrogantiae* , vel *negligentiae* adscribendum esse ,

(a) SVETON. in NERON. , c. 77.

(b) Ex l. 7. §. 8. ff. ad L. *Aquil.* Amoenit. Iur. c. 35. p. 227.

(c) L. c. §. VII. p. 16.

si hanc eximiam scientiae salutaris partem , vel alto crispatoque spernere supercilio , & dignitate sua inferiorem , plebi committere potuerint . In huius manibus posita Chirurgia , ad mechanicas artes deiecta fuit , neque maiores titulos per plura saecula recuperavit : donec nostro tandem aevo ex cineribus suis longe nobilior surrexit scientia , & amissum nimis diu , pro humani generis salute , splendorem revindicavit . Crudelitatem aliquam in Chirurgicis accusant , & haec forte non minima erat , ob quas *secandi* atque *urendi* facultas longe prius , quam illa Medicinam exercendi , Clericis fuerit adempta . Quidquid sit ; certum est , in nulla artis functione , a qua Societatis humanae dependet felicitas , vile quid posse inveniri , atque aequale omnino esse , num *Scalpello* , num vero pretiosissimorum medicaminum virtute , deperditam aegrotantibus salutem restituamus . Quare & *Protestantium* Sacerdotes , per leges quidam *provinciales* , non tamen nimis severas , ab arte medendi arcentur (a). Quidquod novissimis temporibus , iussu Principis *Hasso-Darmstadiensis* , omnes Theologiae stu-

(a) Iust. henningii BOEHMERI Dissert. de Medicorum animae & corporis in sanandis aegris coniunctione , Halae Machdeb. 1736.

diosi, praelectionibus in TISSOTI de morbis popularibus (Avis au peuple sur sa Santé) librum egregium, per annum interesse tenentur (a).

SERVI
MEDICI. Ast ad *Servos* quoque descendisse Medicae artis exercitium, & ad *Vetulas*, non disitebor. *Chirurgorum Castrensium* vices olim *Germanas* mulieres in praeliis sustinuisse, TACITUS docuit: „ Ad matres, inquit, ad coniuges vulnera ferunt, nec illae numerare aut exfugere plagas pavent, cibosque & hortamina pugnantibus gestant (b). *Astrologiae* etiam studium, a vetustissimis temporibus cum arte medica iniquo coiverat matrimonio, atque per longum tempus apud omnes populos coniuncta incedebat (c). Cumque, teste IULIO CAESARE, apud Germanos consuetudo esset, ut matres familiae fortibus & vaticinationibus declararent, utrum praelium committi ex usu esset, nec ne (d)? atque *Scytharum* quoque mulieres *Medicinae* operam dederint (e); certe dubium esse nequit, quin *mulieres* quondam ad *ordinem me-*

(a) Gazette salulaire 1779. N. 9.

(b) De moribus German. c. 7.

(c) DIODOR. SICUL. L. V. p. 235.

(d) De bello Gallico lib. 7.

(e) PLUTARCHUS, Conviv. Sept. Sapient. var. Opp. T. I. p. 257.

dicum pertinuerint ; neque certe earundem in morbis consilia fuerunt neglecta (a) . Videtur certe femineus sexus hanc sibi artem a primis mundi principiis arripuisse , primique vix non umbilici humani deligatione , ut indelebili sigillo , confirmavisse .

Plerosque Medicos , IULII CAESARIS ante tempora , *servilis* conditionis fuisse , ex legibus , huic saltem non contradicentibus , obiecerunt (b) . Atque nequid celare videamur , IUSTINIANUS , aestimato per legem *Servorum* pretio , sanxit , servos & ancillas artium expertos , XX. , cum arte aliqua , XXX. , Notarios L. , *Medicos utriusque sexus* , i. e. Obstetrices etiam , LX. solidis esse aestimandos (c) : Quo argumento DRELINCURTIUM quondam vexare conatus est BOEKELMANNUS (d) atque MEADIUM , MIDDLETONUS (e) .

(a) NOLTENIUS , de iuribus Medicorum in Ducatu *Brunsvicensi* ; p. VI.

(b) L. 1. §. 5. C. Comm. Serv. manumiss. l. 3. pr. C. Comm. de legat. l. 26. ff. de oper. libert. L. 41. §. 6. ff. de fideic. l. 9. ff. ad L. *Aquil.* VARRO 1. de benefic. c. 24. QUINTIL. lib. 7. cap. 2. ad tr. disp. 6. th. 7. tit. C. Vol. I.

(c) L. III. Cod. Comm. de Legat.

(d) Medicus Romanus Servus sexaginta solidis aestimatus . Leid. 1671.

(e) De Medicorum apud Romanos degentium con-

Haec non sine magnis exceptionibus veritati consentire iam demonstravit LAMPIUS (a). Sed si omnino vera essent, artem certe non possent tangere : quae, si *vincula* aliquamdiu portaverit ; *coronas* quoque & diademata gessavit, quin ad *Regium* inde Medici ordinis *characterem* concludendo, risui se quisquam voluerit exponere. TERENCEM quoque, & EPICETUM quis *servos* cognominet, aut quis herum, cui quisque a sorte erat traditus, *Dominum*?... *Nobilitas* *virtus* est, aut nihil est ; neque fortunae, si sapientem virum conculcat, in Scientias iuris aliquid accedere potest. Ast rem totam PLATONIS locus explicat, quo testatur : „ Medicinam vix, praeterquam a viris Principibus pridem fuisse exercitam, *Servis*, *illiberalem* tantum tractantibus. *Servos* tamen *Medicos* dominos suos consecutantes, opera eorum adjuvando, aliqualem medendi rationis sibi comparasse notitiam (b).

¶ MEDICI
Nomen
late patens.

Sed latissime etiam patuit usu Vulgari, nomen medicum. *Obstetrices Medicae*, ex lege

ditione. Cantab. 1726. SCHULZII Dissert. de Servo Medico.

[(a) L. c. §. XXIII.

(b) De Legib. L. I. & IX. Vid. NEAND. de Medic. Natal. p. 13.

iubentur *ventrem inspicere* (a). Ex *Medicorum* gente erant, qui servos *virilibus* privabant, atque HADRIANUS Imp. hoc iis capitale esse iussit (b). *Medici* nomine veniebant omnes, qui in universum salutis humanae curae gerunt (c); primoque *Medici Clinici* dicebantur, qui ad lectum (*κλινη*) aegrotorum morbo cubantium affidebant; *Medici* vero *Chirurgi* quin & simpliciter *Medici* vocati sunt, qui *vulneribus* medebantur, & in universum *exteriorum* corporis humani partium curam, artis suae ambitu complectebantur (d). Ast & qui partis tantum alicuius vel certi doloris, sanationem pollicebantur, ut puta, *Auricularii*, *Dentarii*, Medico nomine gaudebant (e). Ultimo tandem & *servus*, quicumque dominum suum in balneo fricaret, lavaret, ungeret, aut tonderet, raderet, aut articulos eiusdem motitaret, Medico superbiebat nomine (f).

(a) ANIANUS in Interpr. IULII PAULI recept. Sentent. L. II. T. 24. §. 8.

(b) L. 4. §. ult. ff. ad L. Cornel. de Sicc.

(c) L. 1. §. 1. ff. de extraord. cognit.

(d) L. 1. §. 3. ff. de extraord. cognit.

(e) ULPIANUS L. 1. §. 3. ff. de extraord. cognit. & SERIBONIUS LARGUS Epist. ad C. Iul. CALLISTUM.

(f) Ge. Gottl. RICHTER de prisca Roma in Medicos suos haud iniqua. Goetting. 1764.

Non In his vero , quis docti , verique *Medici*
Servi faciem & officia agnosceret ? . . . Huc ergo leges
Medici. referamus , in quibus de *Medicis* tanquam de
servis agitur (a) ! *Servus* certe neque *Archiatr* ,
 neque *Medicus numerarius* esse potuit : quia civis
 Romanus non existeret , nec personam habebat ,
 adeoque , quoad *privilegia civilia* , pro mortuo
 erat habendus (b) . Neque *Athenis* certe leges
 concesserunt , *servum* aut feminam arti *Medicae*
 dare operam ; donec his tandem , si *ingenuae*
 essent : *matronis Atticis* id *Legislatoribus maritis*
 sic *imperantibus* : a legibus datum esset (c) .

Mirum quoque videri non posset , si *Roma*
 in *Medicos* per tempus aliquod fuisset iniusta :
 formae enim id *bellicae Urbis* attribuamus , ubi
 & aliae artes liberales , tanquam pacis comites ,
 ultra quadringentos ab Urbe condita annos iace-
 bant . Neque sub tali constitutione difficile esse
 debuit *servos* habere , qui *Medicinam* ex pro-
 fesso studuissent : tot enim populis in servitutem
 redactis & *Medicos* bellorum iniuria comparatos
 fuisse , dubium esse nequit . Neque impossibile
 esse *proceribus* potuit , *servos* suos aliis tradere

(a) HALLER , l. c. p. 189.

(b) L. 3. „ ne quis eum , qui ius “ . L. 32. ff. de
 Reg. Iur.

(c) Apud HYGINIUM fab. CCLXXIV.

in arte *Medica* erudiendos : quemadmodum & nostris temporibus , *Principes* , suos inter domesticos , personas alere solent , quibus saltem aliqua chirurgiae notitia est .

Neque etiam *sexcentis* omnino annis *Româ* *An Roma exulasse Medicos* , credamus (a) ; aut si Medici *exulaverint* : neque tamen ipsa exulavit Medicina . Certe saeculo , ab U. C. , incunte *quarto* , *Medicorum* , Romae , Pestis tempore , degentium , qui in tanta aegrotantium multitudine non suffecerint , fit mentio ; & antiquam illam in Medicos calumniam depulit DRELINCURTIUS .

Sed Romam quoque venit A. U. C. DXXXV. ARCHIAGATUS , graecus Medicus : ius illi dabatur Quiritium , & taberna sumptu publico in compito *Acilio* empta est . Gratissimus ab initio Romanis erat ; at sensim , ait PLINIUS , a saevitia secandi urendique , transiit nomen in *carnificem* , taediumque in artem , omnesque Medicos (b) . Quae certe , ab uno homine desumpta ratio , tam vilis momenti est , utsi maculam inurere possit , non arti , sed populo

(a) Contrarium demonstravit LAMPE , l. c. §. XXII. DRELINCURTIUS , Apolog. Medic. SPONIUS , recherches curieuses d' Antiquité ; Diff. 27. p. 442.

(b) Hist. nat. Lib. XXIX. c. I.

potius inurat , qui artificis vitia in ipsam tran-
 stulit artem , & crudelia mala perferre maluit ,
 quam heroico remedio , auctisque pro momento
 doloribus , liberari . Pietatem admiremini populi
 Romani , qui *Medicum* , ut Reipublicae cives
 conservaret , aegrotam corruptaque membra secan-
 tem , urentem , ferre non potuit : *Gladiatores*
 vero , iam ab anno U. C. CCCCLXXXVII. ,
 in summis deliciis habuit , sanguinemque civium
 spumantem adhuc & fumantia hominum dilacera-
 torum cadavera , hilari oculo & absque vel
 minima mentis commotione , conspexit ! . . . Ac-
 cedit vero & ridicula huius populi , ab ipso
 etiam CATONE nutrita opinio , quasi commune
 esset Medicorum , qui fere omnes graecae ori-
 ginis erant , cui populo omnes alii *barbarorum*
 nomine veniebant , *iurandum* , ut nunquam
barbaris , sui facultatem facere vellent (a) ;
 „ Iurarunt , dicebat PLINIUS , inter se , *bar-
 baros* necare omnes Medicina : sed hoc ipsum
 mercede faciunt , ut fides iis sit , & facile
 disperdant (b) “ . *Barbaris* quidem HIPPOCRA-
 TES quondam Medicinam facere recusavit , quam-
 vis ab ARTAXERCE Rege , argenti & auri ,

(a) PLUTARCHUS in CATON.

(b) Hist. nat. L. XXI. c. I.

quantum vellet , oblatum , & inter Optimates locus concessus fuisset ; ast factus est , voluntatem sibi deesse ; non fecit , ut interimeret . Quam nobilior mihi hic ALEXANDER est , cuius tanta in PHILIPPUM Medicum fuit fiducia , ut intrepide potionem , quam illum , a DARIO corruptum , OLYMPIAS & PARMENIO , in eius necem parasse scripserant , & accepit , & hausit (a) !

Ad ea ergo tempora properemus Auditores illustrissimi , quibus aliorum exemplo populorum , dignitatem *Artis* , & possibilia saltem in Rempub- ARS HO-
NORA-
TA .
licam merita , si cultivarent Scientiam , *Imperatores* agnoscerent .

Ac primo quidem , *Romanorum* iam ante tempora , *Aegyptus* Medicos , qui gratuitam , saltem in expeditionibus bellicis , artem exercerent , annonâ publica sustentaverat (b) : neque parvum hoc dispendium esse potuit : cum singulis olim morbis apud *Aegyptios* sui erant Medici constituti , neque alium hi , quam *suum* morbum curandum suscipiebant (c) . *Tertiam*

(a) CURTIUS , L. III. c. V.

(b) DIODOR. SICUL. Lib. I.

(c) HERODOT. L. II. qui mos & nunc quoque superesse dicitur . MAILLET , description de l' Egypte , p. 264. Etiam Coromandeli Medici ,

vero reddituum Regni partem *Sacerdotio* Medicinam facienti & absque fofstro morbos curanti, assignatam fuisse, atque in filios, qui patriam semper artem excolebant, transisse, testatur DIODORUS SICULUS (a). Neque minor apud *Iudaeos* fuit *Medici* honor: „Disciplina Medici, ait ECCLESIASTES, exaltabit caput illius, & in conspectu Magnorum collaudabitur (b). Quibus vero non *Graecia* AESCULAPIUM, quibus HIPPOCRATEM suum cumulavit honoribus! iubens “ ut hic, in magnis *Myfteriis*, non secus ac HERCULES, IOVIS filius publice initiaretur, & *corona aurea* mille aureorum coronaretur, coronam ipsam Quinquatribus magnis in Gymnaeo certamine, Praecone praeclamante, & omnibus eorum Liberis liceat, non secus ac *Atheniensium*, Athenis pubertatem agere, quod eorum patria eiusmodi virum procreavit; HIPPOCRATES vero, ut civitatis iure & victu in Prytaneo toto vitae tempore donetur (c) “.

Mox vero IULIUS CAESAR, pro suo in artes liberales amore, omnes *Romae* professos

fatis eruditi, singuli singulos morbos curant,
TUNDLER, Med. Malab.

(a) L. I. c. 73.

(b) Cap. 38. v. 3.

(c) Athen. Senat. Consult.

Medicos *Athenis* venientes , quo lubentius & ipsi Urbem incolerent , civitate donavit (a). Deinde ab AUGUSTO IMP. , quod a liberto suo , *Musa* ex periculoso morbo , potu balneisque frigidis esset restitutus , non solum huic *annulum aureum* , nobilitatis , ordinis scilicet Equestris , Senatorii & Praetorii insigne , portare permisit ; sed & , ad AESCULAPII fa-num , statua eidem ex aere collatio fuit erecta (b). Quae singula a D. VESPASIANO , HADRIANO , & ANTONINO *Impp.* fuerunt confirmata (c) ; praeterquod & GALENO , viro certe magno , sub COMMODO IMP. , statua quoque posita fuit , & a quibusdam , teste EUSEBIO , Deorum cultus praestabatur (d). SEVERUS IMP. Annonas Medicis ex publico addidit (e) , DIOCLETIANUS & MAXIMINIANUS vero , pluribus adhuc ordinem Medicum immunitatibus ornaverunt . Dein CONSTANTINUS , & post hunc , THEODOSIUS & HONORIUS , haec singula privilegia confirmarunt , atque IULIANUS , litteratorum Protector , ipseque litteratus , non solum amissas hinc inde im-

(a) SVETON. in vit. CAES. c. 42.

(b) DION. Hist. Lib. 53.

(c) L. 18. §. ult. ff. de mun. & honor.

(d) Hist. Eccles. L. V. c. ult.

(e) IULIANI Ep. XLV. Opp. p. 426.

munitates restituit; verum & ZENONEM CYPRIUM, ab inimicis potentibus urbe eiectum, datis ad ipsum litteris propriis, *Alexandriam* ita revocavit, ut honorificum esset, eiectum fuisse; atque discipulum huius Viri ORIBASII, simili Epistola, sed plane amicissima, insigniter illustravit, &, referente SUIDA, Constantinopolitanum constituit Quaestorem (a). Propulsus & hic, post mortem IULIANI, in exilium, & ad barbaros homines transmissus; sed ab his pene pro Deo habitus artique honor suus tributus fuit.

Privilegia arti Medicae concessa.

Inter privilegia vero ordini Medicorum successive ab *Imperatoribus* sic tradita, sequentia eminent. Inviti in iudicium trahi non potuerunt, sed licitum ipsis fuit, quoties rem cum alio haberent, per procuratorem comparere, quia lectione intendere deberent (b), salutique hominum studere (c): hinc Medicos domi quoque iurare & testimonium dicere concedebatur (d). Dein ius extra ordinem accipiunt (e);

(a) IULIANI Ep. XVII. Opp. p. 384. SUIDAS, T. II. p. 711.

(b) Arg. l. 17. cap. de Episc. & Cler.

(c) L. 1. §. 1. ff. de extraord. cognit.

(d) Arg. l. 11. ff. de iurif. Vid. BRUN. ad l. 7. cap. de Prob.

(e) L. 1. §. 1. & seq. de extraord. cognit.

& ab omni carceris periculo vacant ; etiam si
 aes alienum solvere non possint . De crimine
 quoque capitali suspecti , a custodia carceris ,
 fideiussoribus datis , liberantur (a) ; nec torturae
 subiiciuntur (b) . Quicumque vero eosdem vexat ,
 iudicis arbitrio plectitur (c) ; qui eos vulnerat ,
 vel iniuria afficit , ex *Lege Iulia* tenetur (d) .
 „ ut , si quis eos vexaverit , centum millia
 „ nummorum aerario inferat , a Magistratibus ,
 „ vel Quinquennialibus exactus , ne ipsi hanc
 „ poenam sustineant . Servus eis si iniuriam
 „ fecerit , flagellis debeat a suo domino verbe-
 „ rari , coram eo , cui fecerit iniuriam : vel
 „ si dominus consensit , Viginti millia num-
 „ rum fixo inferat : Servo pro pignore , donec
 summa haec exsolvitur , retinendo (e) .

In executione , libros , lectisternia , & re-
 liquam suppellectilem retinent , quia sine his
 commode non vivere , generique humano fru-
 ctus , quos scientia eorum promittit , commu-
 nicare non possunt (f) . A tutela excusantur

Frank Proluf. C

(a) Arg. l. 1. ff. de Custod. reor.

(b) Arg. l. 8. cap. de quaest. ibique Gloss.

(c) D. l. Med. E. de Prof.

(d) L. 7. ad L. Iul. de Vi publ. ibique Gloss.

(e) L. 1. Cod. Theod. de Med. & Prof.

(f) SPECKHAN Cent. I. qu. 22.

(a), & eadem acquitatis ratio, eos ab hospitibus militum, excubiis, armis & loriceis, quae civibus imponuntur, eximit (b). Qua in parte, cum a necessitate Hospitis recipiendi, ne *immunes* quidem olim excusabantur (c), feliciores certe fuerunt *Medici*, VESPASIANI & HADRIANI IMPP. rescriptis immunes pronunciati (d). Immunes quippe sunt ab omnibus muneribus personalibus, iisque, quae *capitis* dicuntur (e). Praeterea immunes sunt a patrimonialibus: in quo tamen differentia inter bona constituitur, quae intra & quae in suspenso sunt tempore, quo *Ipsae Imperator* in expeditione est (f), aut quo bellum imminet; aut si casus insolitus accidit: ex ratione, quod immunitas ad tempus necessitatis non extenditur (g). Impensum in curationem infirmorum pro *Medicis* & *Pharmacopolis* in concursu creditorum obaerati infirmi defuncti, in classe illorum *prima*, scilicet simpliciter ac singulariter privi-

(a) L. 6. §. 2. ff. de excus.

(b) L. 6. cap. de advoc. div. iud.

(c) L. ult. §. pen. ff. de muner.

(d) L. ult. §. ult. ff. de muner.

(e) L. 6. l. II. cap. de Prof. & Med. arg. l. II. cap. de aff.

(f) L. 2. L. 3. de quibus mun. & praest.

(g) Consulatur de his SACHS Diss. cit. §. XVI.

legiatorum, collocandum venit. Quamvis enim de hoc dubitat BODINUS (a); in plerisque tamen foris invaluit sententia: foetra, praecipue extremi morbi, iisdem, quibus impensae in funus, privilegiis frui, & reliqua debita antecedere (b).

Atque haec sunt praecipua, quibus placuit quondam *Imperatoribus*, ordinem medicum exornare, privilegia. Neque haec satis esse, prudentiores credebant: „Quaedam pluris sunt, inquit SENECA, quam emuntur. Emis a Medico rem inaeestimabilem, vitam ac valetudinem bonam. Quare *Medico* & *Praeceptor*i plus quiddam debeo, nec versus illos mercede defungor, quia ex Medico & Praeceptore, in amicitiam transeunt, & non arte quam vendunt, sed benigna & familiari voluntate (c). Arridebant vero & aliis civibus eiusmodi immunitates, & hinc factum est, ut illorum, qui *Medicorum* nomen profiterentur, in dies augetetur numerus, & ut, pluribus sic in Republica civium

*Restri-
ctiones
Immu-
nitatum*

C 2

(a) Dissert. iurid. de Iuribus aegrotorum singularibus. Th. XIX. p. 26. Item STRUV in Synt. Iurispr. Exercit. XLIV. Th. 56.

(b) LAMPE, l. c. §. XLIII. CARPZOV. Part. I. Constit. 28. Def. LAUTERBACH.

(c) De Benef. L. VI. c. 16.

*Medici
numera-
rii & ju-
pernu-
merarii.*

*Archia-
tri Pa-
latii.*

liberatis officio, caeterorum onera multum nimis aggravarentur. His ergo malis mederi placuit, certusque Medicorum *numerus*, a *Decurionibus* in quacunque civitate definiendus, est tandem constitutus (a). Hi proprie *Medicorum* nomine veniebant & absolute *numerarii*, ad aliorum differentiam, qui *supernumerarii* audiebant (b), & ad quos *privilegia* pertinebant (c). Sed & postea, Constitutione DIOCLETIANI & MAXIMINIANI IMPP. effectum est, ut ne quidem *numerarii Medici*, immunitatibus gauderent, nisi speciali *Decurionum* decreto ipsis fuissent tributae (d). Ex hoc ipso *Medici numerarii* in duas classes abierunt: *primi* scilicet *ordinis*, in quo *septem* fere reperiebantur, quibus ob id *Decurionum* competeabant decreta, & penes quos caeterorum Medicorum delectus erat: atque hi *Archiatři*, cumque *Aulae* peculiariter essent addicti, & inter penetralia regalis aulae florebant, (e) primum forte ab aevo CONSTANTINIANO,

(a) L. 6. §. 2. ff. de excus. tut. l. 18. C. de Episc. & Cler.

(b) L. 6. §. 2. ff. de excus. tut. cui. par Cod. tit. de advoc. divers. iud.

(c) L. 1. ff. de decret. in ord. fac. l. 7. ff. de excus. tut.

(d) Io. Iust. MUHLPFORT, Dissert. iurid. circa morbum & curam aegrotorum. Argentor. 1671, c. VIII. §. III. p. 40. 41.

(e) L. 12. Cod. THEOD. de Med. & Prof.

Archiatři Palatii adpellabantur ; dein *secundi ordinis numerarii* erant illi, qui ab *Archiatris*, instituto examine, idonei essent iudicati, atque hinc *Medici probati* Medici , & *intra numerum* quoque dice-*probati*. bantur (a), quin tamen *Archiatrorum* privilegiis ex nova Constitutione gauderent . Qui ergo primi ordinis *Archiatři* erant , eos , si cum nostris temporibus comparandi veniant , cum *Aulae Medicis* , *Protomedicis* & *Physicis provincialibus* , aut *Urbium* maiorum *primariis* , conferrem : Atque hi praecipue annona publica sustentabantur ac suis immunitatibus , magnis omnino , gaudebant .

Maior vero ante haec tempora *Archiatři* erat significatio : *Medicorum* enim *Principem* , non solummodo *Principis Medicum* , haec tunc exprimebat . Primus autem ANDROMACHUS *Archiatrorum* hoc titulo *Archiatři* venit apud EROTIANUM ; & quae illis functio fuerit , patet ex Inscriptionibus GRUTERI : in quibus *superpositi Medicorum* & supra Medicos , & *Dòmini Medicorum* vocantur *Archiatři* . Primus vero VESPASIANUS *Imp* Medicis familiaribus aliquem praeficisse videtur , & extat sub titulo *superpositi* *Comes*.

(a) L. 10. C. de Prof. & Med. Lib. X.

Medicorum , T. fl. *Paederates* ALCIMIANUS
 (a). *Archiatrorum* ergo *Comitem* , seu *Dominum* illum *Medicorum* , magni sequebantur honores : ita ut *Ducibus* & *Vicariis* aequaretur
 (b). VINDICIANUS certe , tempore VALENTINIANI *Imp.* , *Archiatrorum Comes* , vel *dioeceseos* alicuius , vel per *praefecturam Galliae* *Vicarius* fuit (c) ; atque Divus TRAIANUS *Imp.* , *Medicum* suum , C. CALPURNIUM *Asclepiadem Prusam* , quem septem civitatibus donaverat , *Magistratibus* Pop. Rom. *adsedere* & *Provinciis Asiae* , atque aliis , *Custodem* praeesse voluit (d). Ex formula quoque praestandae , apud *Ostrogothos* , ab *Archiatrorum Comite* , *fidei* , quam CASSIODORUS conservavit , similia docemur : „ Habeto , inquit *Imperator* , fiduciam ingrediendi , quae magnis „ solent pretiis comparari “. Hoc autem *Ius ingrediendi* apud *Imperatores* , nonnisi *Primatibus* erat concessum . „ Alii , subiungit *Imp.* , „ submissionis nobis inserviunt , tu supericritatis „ titulo : fas est tibi , nos fatigare ieiuniis ,

(a) GRUTERI *Inscript.* T. I. p. DXXXI. *Inscr.* 7.

(b) HALLER , l. c. p. 180.

(c) LAMPIUS , l. c. §. XXXIII. ex l. 9. *Cod. Theod.* de Metell.

(d) REINES , *Epist.* ad HOFFM. & RUPERT. *Epist.* XLIV. p. 394. & seq.

» contra naturam sentire desiderium ; & in lo-
 » cum beneficii dicere quod nos ad gaudia
 » salutis excitet ; talem tibi denique licentiam
 » nostri esse cognoscis , qualem nos habemus
 » in caeteros . Quapropter a praesenti tempore
 » comitivae Archiatrorum honore decorare : Ut
 » inter salutis magistros solus habearis eximius :
 » & omnes iudicio tuo cedant , qui se ambitu
 » mutuae contentionis excruciant . Esto *Arbiter*
 » *artis egregiae* , eorumque discinge conflictus ,
 » quos iudicare solus solebat affectus (a) “. In-
 » terim licet magnis muneribus praefuerint saepe
 » Archiatri , ad nulla tamen cogeantur . „ *Ar-*
 » *chiatri* , lex dicebat , omnes , & ex Archiatri ,
 » ab universis *Curialium* , *Senatorum* , & *Co-*
 » *mitum* , Perfectissimorumque muneribus , &
 » obsequiis , quae administratione perfunctis sae-
 » pe mandantur : a praestationibus quoque pu-
 » blicis liberi immunesque permaneant : nec ad
 » ullam auri & argenti , & equorum praestatio-
 » nem vocentur , quae forte praedictis Ordini-
 » bus , aut Dignitatibus adscribuntur . Huius
 » autem indulgentiam Sanctionis , ad filios quo-
 » que eorum statuimus pervenire (b) “.

(a) Variar. L. VI. form. 19. p. 207.

(b) L. 2. Cod. *Theod.* de Med. & Prof. LAMPE,
 loc. cit.

Miror ; ab HALLERO dictum esse , *Medicos Caesarum* , hoc ipso titulo venisse , non *Archiatři* (a) ; cum tamen ANDROMACHUS , eo ipso monente , NERONIS dicatur *Archiatēr* . Contrarium certe probat & a MARCELLO conservata *Vindiciani* ad VALENTINIANUM littera , in qua ille & ipsum *Archiatrorum Comitiss* titulum assumit (b) . Novissimis quoque temporibus eodem semper gavisi sunt titulo *Imperatorum* nostrorum Medici primarii : ita ut male ab ill. CHOMELIO dici videam , solum Regis *Franciae* primarium Medicum , in *Europa* , hoc titulo ornatum incedere , cum & in *Hispania* & in *Italia* , simplici *Protomedici* titulo gaudeant (c) . Interim ab antiquissimis *Monarchiae* temporibus , primi *Regum Franciae* Medici , *Consiliarium Status* (*Conseillers d'Etat*) titulo fuerunt condecorati , & in quamplurimis *Germaniae* , in ipsis *Regis Borussiae* & *Electorum* aulis , *Consiliarium intimorum* , vel *auditorum* nomine insigniuntur .

Infanum esse viro Medico , eiusmodi titulis multum tribuere , & non in artis suae perfe-

(a) L. c. p. 170. ex MEIBOMIO & VINKIO .

(b) Vid. *Essai historique sur la Médecine en France* ; p. 43.

(c) Ibid. p. 39. 40.

atione , Nobilitatem officii quaerere ; ipsemet bene sentio Auditores , ut qui & *Medici aulici* , apud Serenissimum Principem Marchionem *Bado-Badensem* , dein , apud Celsissimum Principem & Episcopum *Spirensen* , *Archiatri* & *Consiliarii Intimi* , postea vero & potentissimi *Regis Magnae Britanniae* , Clementissime mihi collato *Consiliarii aulici* honorifico titulo , grato animo sed absque hacitatione renunciavi , ut in celeberrima hac Academia , quod nunc facio , *Professorium* munus , aliis titulis certe non indigens , in me susciperem . Interim haec saltem demonstrant , non ingratam hucusque in Medicos Republicam , & nihil non ab ea tentatum fuisse , ut Medicorum in se merita nobiliter remuneraret (a) .

Sub finem *undecimi* , atque *duodecimo* etiam saeculo , Medicina , seu Clinices illa , ad Philosophiam & praeprimis ad *Physicam* relata est , atque Medici , illam profitentes , *Physicorum* nomine censei coeperunt (b) . Cum primum erigeretur Universitas *Parisiensis* , illi , ex ea , qui Medicinam vel docebant , vel exercebant ,

PHY-
SICI .

(a) Vid. quoque MEAD de Medicis Equestri dignitate donatis .

(b) De LUDEWIG , praefat. ad Consil. Halens. T. II. p. 25. N. 124.

Physici, & *Magistri in Physica*, vocati sunt (a). Sic primus quoque Regis Medicus, *Physicus Domini Regis* adpellatus est. Nec saeculo XV. prorsus exolevisse hunc titulum, ex SIGISMUNDI Imp. ordinationibus satis est conspiciuum (b): cum *Imperator* eisdem, quos paulo ante *Magistros Medicos* (Meisteraerzte) vocaverat, postea *magistros altioris Physicae* (die

(a) Constitut. Sicul. L. III. tit. 34.

(b) „ Es soll auch gewoehnlichen in jeder Reichs-
 „ stadt ein *Meisterarzt* sein: der soll haben *Hun-*
 „ *dert Gulden* Gelds. Die mag er nießen von
 „ einer *Kirchen*, das ward geordnet in Concilio
 „ *Lugdunensi*: also das demnach die *Kirch* Kei-
 „ nen gepresten hab und besser in der Ordnung
 „ stehe. Und sol menniglich artzneyen umbsonst:
 „ und soll sein Pfründ verdienen ernstlich und
 „ getrewlich. Wol was man Koestlich Ding aus
 „ der Appenteck haben muß, soll man bezah-
 „ len; Aber von den Armen sol man nichts
 „ nehmen, darumb das er sein Pfründ neuset.
 „ Wann Goettlich ist, Gotzgaben mit den Ar-
 „ men theilen. Aber die *hohen Meister* in *Phy-*
 „ *sica*, die schlagen nun den Geitz Hoechtllich
 „ betrogenlich. Sie dienen niemand umbsonst.
 „ Darumb fahren sie in die helle. Etlich Wer-
 „ ben nit destermynder umb Pfründen, und nie-
 „ sen die unverdient. Besehe man, das man
 „ Keinen *Arzt* mehr Pfründen laß nießen, sie
 „ schweren denn lauter die Ordnung zu hal-
 „ ten, die vormal in den Concilien geordnet
 „ seyndt“. Reformat. Basil. Part. II. T. XI.
Geldast. in paradox, de honor, Med. §. 35.

hohen meister in Physica) adpellitet . Atque cum SIGISMUNDUS in quavis civitate Imperii unum huius generis *Physicum* esse voluerit : dubium esse nequit , quominus *Physicis* , quos vocamus , *Urbicis* & *Provinciarum* , quos & *Medicos numerarios* pridem nominatos fuisse , supra dictum fuit , nomen inde manserit .

Antiquissima scilicet est consuetudo , Medicos sumptu publico alendi illosque ad curandos gratis pauperes adstringere . *Aegyptii* sic *Sacerdotes* , neque a discipulis , neque ab aegrotis quidquam aut capere , aut exigere potuerunt . *Indi* quoque publicos alebant Medicos , quibus peregrinorum , pauperumque cura erat demandata (a) . *Urbes* iam vetustissimis temporibus Medicos aliquos aluisse , & Duces secum in exercitu habuisse , ex CYRI apud XENOPHONTEM sermone colligi potest (b) . DEMOCEDES Medicus , cum CROTONEM , patriam , cum AEGINA permutasset ; mox ab hac Urbe , talento ductus est : post tres annos ab ATHERNA , centum minis , dein a SAMO , talentis duobus , secundum HERODOTUM . iam PLA-

*Antiquitas
huius
Ordinis.*

(a) DIOD. SICUL. L. 1. 2. Franc. SACHS Dissert. iurid. de officio & iure Medicorum ; §. IV.

(b) Cyropaed. Lib. I.

TO, „ bonos Medicos, ait, habere oportet
 „ in civitate, qui ab ineunte aetate ultra di-
 „ scendae artis studium inter plurimos corpore
 „ male adfectos fuerint versati (a) “. De *Maf-*
siliensibus id iam STRABO testatur, & tum
 privatim, quam publice, a civitatibus Medicos
 fuisse conductos monet (b). Apud *Romanos*
 singulorum municipiorum Magistratibus erat in-
 iunctum: „ ut certi, de probitate morum &
 „ peritia artis eligerent ipsi, quibus se liberos
 „ que suos in aegritudine committerent (c) “. Sed & cuivis *Legioni* tandem & suis, teste
 VEGETIO, fuit Medicus, atque AURELIA-
 NUS, iubens, ut *Milites* a Medicis gratis cu-
 rarentur, stipendia dedit. A SIGISMUNDO
 ergo Imperatore haec utilissima exempla in *Ro-*
mano-Germanico quoque Imperio imitata, *Me-*
dicique publici, sub nomine *Physicorum* instituti,
 atque tam *aere publico*, quam *beneficiis Eccle-*
sasticis, sunt conducti. Cum vero eiusmodi
Physici ab Ecclesiis sic dependerent: Vetitum
 erat vel minimum ab aegrotantibus aut exigere

(a) Lib. III.

(b) Vid. CONRINGIUS, antiq. Academ. Sup-
 plem. VIII. p. 223.

(c) L. I. D. in Decret. ab ord. faciend.

aut capere ; atque contrafacientes ; criminis *Simoniae* reos fieri, Patres contendebant (a).

Hi denique *Physici* praecipua in foro gaudent auctoritate & super laesionum diversarum natura, aliisque obiectis permultis coram Iudice deponunt : quae certe pars scientiae, quam *Medicinam forensam*, seu *legalem*, aut & *Iurisprudentiam Medicam* adpellant, summam sibi rerum, tum naturalium, tum medicarum, exposcit cognitionem. *Chirurgia* quidem a Medicis clinicis successive neglecta solisque demum *Chirurgis* relicta : inspectio vulnerum his tantum a Legislatore est commissa ; quare & in Ordinatione CAROLI V. dissertis verbis, tantum *Chirurgi*, nulla *Medici* facta commemoratione, fit mentio (b). Unde etiam CARPZOVIVS solis barbitonforibus, modo sint periti, & rationem iudicii sui dare possint, fidem habendam, eorumque arbitrio de vulnerum lethalitate standum esse putavit (c). Ast vero, si temporis ratio

AUCTORITAS.

(a) V. HOSTIENS. & PANORMIT. ad c. 4. X. de Magistr.

(b) Art. 147. & 149. Item in Process. Saxo. Goth. P. 3. c. 2. §. 1. „ quod peritus barbitonfor aut balneator “.

(c) Pr. rer. Crim. P. I. qu. 26. n. 36. 37. GAILL. l. 2. obs. CXI. n. 12. KRESS. ad ord. Crim. Carol. art. 147. n. 3. p. 321.

habeatur , quo legem illam esse latam novimus ;
 mox patebit , *Medicis* hanc provinciam committi
 tunc quidem non potuisse : partim quod maior
 omnino illorum numerus ad *Clerum* pertinuerit ,
 quibus & *seſſione* , & *aduſſione* ſevere erat in-
 terdictum ; partim quod impoſſibile tunc fuiſ-
 ſet , *Medicis* ad haec uti velle ubique certe ra-
 riſſimis . Solo hoc *Ducaſus Witenbergici* v. g.
 coniciamus exemplo , in qua notabili Imperii
 Germanici Provincia , tempore Ducis UDALRI-
 CI , nonniſi unus iuratus *Medicus* , & ad fi-
 nem uſque ſaeculi XV. , nonniſi unicum exſti-
 terat Pharmacopolium (a) . Sed vereor , ne ,
 cum illis temporibus , *Medici* , quos leges in his
 reſpicerent , deſuerint , maior *Chirurgorum* copia
 habita ſit , quibus magnum *depoſitionis medicae*
 opus committi potuiſſet . Certe autem ex *barbi-*
tonſorum , *balneatorumque* numero , ſine iniuria ,
 vix videntur potuiſſe deſumi . Utroſque hinc ad
 vulnerum inſpectionem plane non eſſe admitten-
 dos , recte docuit STRYKIUS (b) ; Atque ei-
 dem opinioni accedunt celeberrimi Viri alii (c) .

(a) Nachrichten von den Geſetzen des Herzogthums
 Wirtemberg .

(b) De Iure ſenſuum , diſp. 1. c. 2. n. 19.

(c) WELSCH ration. vulner. lethal. iudic. c. 15.
 p. 136. BOHNIUS , Exam. vulner. lethal. ſect.
 I. c. I. p. 6.

Hinc pluribus in locis constitutionis criminalis sensus paulisper temperatus, & iure, vel scripto, vel non scripto, introductum est, ut tam arduum negotium, quibuscunque Chirurgis non concedatur; sed simul expertus etiam Medicus, & quidem a Facultate Medica examinatus & promotus adhibeatur (a). Non video tamen cur & experto viro *Chirurgo*, circa vulnera externaque laesiones corporis, non eadem adhiberi debeat, quam in *Medicum*, circa internas corporis mutationes causalesve easdem producentes, fiducia; neque hoc iure *Chirurghi* spoliandos esse, ubi Medicorum ipsis adiungendorum copia non detur, recte VALENTINUS, atque ALBERTUS, docuerunt (b). Cum vero in rebus tam seriis cautio de errore nimia adhiberi nequeat: in maioribus hinc *Imperii Urbibus*, *Francofurti ad Moenum*, *Augustae Noricorum*, aliisque locis, *plures* semper e Medicis praecipuis, seu *Physicis*, quos & *Poliattros* adpellant, una cum optimis *Chirurgis*, ad cadaverum inspectionem instituendam, convocare

(a) Conr. Will. STRECKERS Diff. iurid. de fide & legalitate Medici in investiganda vulnerum lethalitate. Erford. 1735. §. V. VI.

(b) VALENTINUS Pandect. Med. legal. P. II. Sect. I. §. 2. p. 294. ALBERTUS, Iurisprudentia Medica, c. 17. §. 13. p. 380.

solent ; & varii *Isti* monuerunt , ut , si haberi possint , *plures* Medici anatomes periti ad hoc opus congregarentur (a) ; Sique meam super his opinionem adiicere liceat , crederem omnino , omnia sic dicta singularium Medicorum *visa & reperta* , quod ad conclusiones ex his deducendas pertinet , ubi de rebus maioris momenti agitur , semper Collegio Reipublicae Medico ex utroque ordine , tum *Medico* , tum *Chirurgico* , prius esse submittenda .

Atque talis est in hoc *depositionis* opere *Physicorum* , atque *Chirurgorum iuratorum* Auctoritas : ut cum , in aliis rebus , *unius testis* responsio pro nulla ut plurimum habeatur (b) ; *unius* tamen experti *Medici* vel *Chirurgi* stetur , in quamplurimis Regionibus , testimonio , & quidem scripto (c) . Atque , cum peritis in arte fides adhiberi iubeatur (d) : Rectum hoc esse in rebus quoque arduis , vitamque vulnerantis respicientibus , variis argumentis defendit LAMPIUS (e) , ipsique *Supremi Imperii Tribunalis*

(a) TENZEL , Diff. de Inspect. Cadav. iudicial.
p. 19. 21.

(b) AMSEL , Diff. vulgato dicto , unus testis , nullus testis , oppos.

(c) Per C. C. C. Art. 149.

(d) L. 1. pr. ff. de inspic. ventre .

(e) L. c. §. XLVII.

quondam *Affessores* , praesertim ubi *plures* ad testimonium perhibendum Medici tam facile advocari non poterant , suffragabantur (a) . Non interim hanc ego consuetudinem ubique adprobaverim ; atque , ubi de vita hominis agitur , huic artis meae privilegio facile & lubenter renunciaverim . Quare & *Ecclesiasticae* Leges , rectam in his exceptionem fecerunt (b) , atque pluribus in Provinciis , si plures haberi potuissent , ad deponendum Medici , unius testimonio a Iudicibus in rebus difficilibus , Leges , acquiesci non permittunt (c) , sed reos , si quae in eos sententia sic lata fuisset , *appellationis* iure gaudere concedunt (d) . Sed & alia est *Physicorum deponentium* auctoritas . Neque enim , antequam deponant , de novo illis semper iurandum est ; sed vis *Iuramenti* ab initio officii praestiti , ad omnes sese actus extendit (e) . Fuerunt quidem , qui & aliis Medicis , ante

Frank Prolus. D

(a) GAIL. Observat. pract. L. II. Observ. VIII. MYNSINGER , Observat. Cameral. Cent. VI. Obs. 34.

(b) C. 18. X. de Homicid.

(c) Koenigl. preuss. Criminal. ordn. c. 3. §. 9, pluresque aliae V. LAMPE , l. c.

(d) FELTMAN de cadavere inspiciendo ; c. 42. n. 3. p. 165. LAMPE , l. c.

(e) KRESS. ad ord. Crim. Carol. art. 149. n. 3. p. 331. CARPZOV. Pr. Crim. P. I. qu. 26. n. 29. seq.

legalem inspectionem , iuramentum non esse imponendum , sed sufficere illud crediderint , quod in actu *promotionis* ad dignitatem *doctorem* , ab illis praestitum fuerit : modo scilicet in Academia , ubi *promotio* facta , iuramenti formula ita concepta sit , ut actus *sectionis* , *inspectionis*que sub se complectatur : atque hunc in modum facultas iuridica *Halenfis* respondit (a) . In Camera vero , nec non in dicasteriis *Wirttembergicis* , talia iuramenta generalia nequaquam sufficiunt ; sed *ordinationi criminali* paulo pressius , nec sine ratione , insistitur (b) . Praecipue cum non ubique haec pars Medicinae accuratius soleat tractari .

Medicinae Doctores. Ad ipsos nunc in *Medicina Doctores* venio , in quos magna hucusque fuerunt Reipublicae beneficia . Dignitas *Doctoralis* in genere , ut videtur , sub *LOTHARIO Augusto Saxonico* orta est (c) ; alii ex Bulla Papae *GREGORII IX.* , *Parisiensibus* (an. 1231.) concessa , repetunt (d) . Multo vero prius illa

(a) Conf. II. for. Halens. §. I. lib. I. conf. 9. n. 8.

(b) HERTIUS , de inspect. ocul. §. 32. ALBERTI , Iurisprud. Med. c. 17. §. 13. STECKERS , Diff. cit. §. VII.

(c) CORAS. ad l. 2. §. 48. n. 9. ff. de O. I. ITERUS de gradibus Academicis , c. 3. §. 9.

(d) BULLAEUS , Hist. Univers. Paris. T. III. Diff. 7. LAMPE , l. c. §. IX.

Illorum propria fuit (a) ; nec nisi serius ad *Medicam* quoque facultatem coepit derivari (b) : ut quae diu *Magistros* , nec ipsis Regis Galliae Archiatris saeculi XIV. exceptis , aluit . Augusti sic CAESARES , *Doctores* tam Iuris , quam Medicinae circa praedriam & vestitum ornarunt (c) ; atque praerogativam , quae *nobilibus Equestribus dignitatis* tribuitur , pari ratione & gradu Doctoribus concesserunt (d) : ita ut *Doctoribus* inter *Equites* & *Nobiles* , tributus sit locus . Atque cum *Nobiles* ipsi legem de praecedentia interpretarentur , litemque de ea , *Doctoribus* coram *Imperatore* moverent , in favorem *Doctorum* lis illa a CAROLO V. fuit composita (e) : postquam sc. *Doctores* sua sponte , peculiari scripto , se per id , *Nobilium privilegia sanguinis* aucupari nolle , exposuerant (f) . Pari ratione in caussa Doctorum Francofurtensium ad Moenum , singula illorum privi-

(a) VULREJ. ad §. 9. n. 17. Inst. de I. n. 9. & C.

(b) BERT. P. I. concl. pract. 55. n. 94.

(c) Recessus Imper. de 1500. , tit. 22. §. 5.

(d) Ibid. §. 7. 8. Recessus Imper. de 1512. §.

„ Item sollen die 8. Raechte “. Recess. Imp. de 1548. tit. II.

(e) KLACKIUS Tr. de Contrib. c. 15. 353.

(f) ITTERUS , c. II. §. 25.

legia a Divo *Imperatore* IOSEPHO I. confirmata sunt (a); quemadmodum Professores antiquissima Universitatis, quae *Tolosae* est, & nunc *Equestri* dignitate ornati incedunt (b).

Haec tamen leges certe nonnisi cum iudicio ad nostra tempora posse accommodari, facile omnibus patebit. Quemadmodum enim *servilis* multorum quorundam Medicorum conditio, artis nobilitatem non potuit extinguere: ita nec Doctoralis, quaecunque sit, aut fuerit, dignitas, scientiae, quod in se ipsa non habeat, dare vix poterit.

Doctores bullati.

Fuit tamen semper magna eorum in Republica numerus, qui se arti obtruderent, ut eiusdem participarent privilegiis, quin in addiscendis disciplinis, vel operam vel oleum impendissent. Ad hos, *Doctores*, a *Comitibus Palatinis* creari soliti, quosque *bullatos* dicunt, pertinent. Eadem iura his, ac *Doctoribus* Medicinae via ordinaria *promotis*, attribuit MUHLPFORTIUS: dummodo in praesentia duorum, vel trium Doctorum huius facultatis, examinati, & idonei inventi fuerint (c). Aliter

(a) Ann. 1706. d. II. Decemb. „Wen Wir einen jeden bey seinem stand u Wesen“ &c.

(b) *Etat de Médecine*; anne 1776. p. 515.

(c) L. c. §. IV. Item Taute disp. I. th. 7. lit.

enim, uti putat, CAESAREA MAIESTAS Comitibus Palatinis potestatem creandi Doctores nunquam concessisset (a). Interim usu nunc ubique receptum est, ut eiusmodi *Doctoribus bullatis*, praxis medica nullibi concedatur a Principibus; & cum non ita pridem a Professore Iuris & Comite Palatino, eiusmodi Doctor Medicinae in Electoratu Palatino esset creatus: *Diploma* sibi ita concessum, ex mandato *Electoris Serenissimi* reddere fuit coactus. Quidquod & *promotos*, sed in extranea facultate, *Medicinae Doctores*, a praxi Medica excludat mandatum *Electorale Saxonicum*, nisi tum *Lipsiae*, tum *Wittenbergae*, scientiae suae novum ediderint specimen, atque *facultatis indigenae* se testimonio sic provideant (b).

Ut vero nemo, nisi stricte examinatus, Medicinam exerceat, nota lex est (c). Iam ROGERIUS *Siciliae* Rex & *Salerni* Princeps,

D 3

a. Vol. I. Ibiq. HUNN. 9. 4. ARUM. disc. ad A. B. cap. 5.

(a) HENN. de privil. Ict. P. II. c. I.

(b) D. 13. Sept. 1768. Cod. Aug. Cont. T. I. p. 958. §. 6.

(c) Exstat de hac re Constitutio IUL. in l. 7. 6. de Prof. & Med. ibi: „iudicio ordinis probati“. Add. Ord. Cam. Part. I. tit. 18. Verb. „Und an welchem ort wol examinirt“.

undecimo saeculo , lege sanxit : nullum sine Magistratuum permissione in praxi Medica debere versari , nisi bonis suis velit spoliari . Confirmavit hanc legem FRIDERICUS BARBAROSSA *Imp.* & iussit , nullum pro Medico esse censendum , nisi *Scholam Salernitanam* , cuius ingens *duodecimo* saeculo per totam Europam fama fuit , salutaverit (a) . Demum MAXIMILIANUS II. Universitati *Argentoratensi* privilegium concessit his verbis : „ Adhibito prius per ipsos Doctores & Professores , in qualibet facultate , religioso & diligenti examine , in quo conscientias ipsorum Professorum onerari volumus , quosque sub iuramenti vinculo ad hos adstringimus (b) “ . Imo etsi aliquis , *Decreto* quondam *Ordinis Decurionum* , vel Collegii , pro idoneo habitus sit , reprobari tamen potuit , non obstante alia lege (c) , quia favor publicus exigit (d) . Collegium Medicum *Berolinense* , per Edictum (e) instituit : „ ne cui , nisi ex „ iudicio Collegii Medici auctoritate artem sanandi exercere liceret “ . Hoc salutare institut

(a) V. LAMPE , l. c. §. 19. 20.

(b) D. 30. Maii 1566.

(c) L. 9. ff. de neg. gest.

(d) Ne scilicet minus idonei Medici civibus obtrudantur. BRUNNEM. ad l. 7. C. de Prof. & Med.

(e) De Anno 1685.

tum variis accessionibus Ediſto novo auxerat FRIDERICUS I. ; at FRIDERICUS II. id perfecit ſanciendo : ut qui artem ſanandi exercere cuperent , non publicis ſolum teſtimoniis artis medicae ſcientiam *Collegio Medico* teſtatam redderent ; ſed etiam ut inprimis in Theatro publ. Anatomico , praefentibus & iudicantibus Collegii Medici Profeſſoribus , ſeſtione cadaveris humani inſtituta , cognitionis in re anatomica adquiſitae , ſpecimen ederent . Atque haec cauta ſunt duplici *Ediſto Medicinali* promulgato (a) : in quorum ultimo Magiſtratibus iniungitur , ne *Phyſicos* vel *Urbium* , vel *Provinciarum* , multo minus vero Medicinae Doctorem , ad praxim medicam admitterent , niſi prius *Collegio Medico* ſeſe annunciaverit , ut eidem *Differtationem* ſuam *inauguralem* , cum teſtimoniis publicis exhibuerit , tum *caſum medico practicum* coram eodem elaboraverit , & in Regio Anatomiae Theatro in ſex *Lectionibus* , curſum ſuum Anatomiae abſolverit (b) . Novum robur vero huic Ordinationi addidit Ediſtum Regis noviſſimum (c) .

D 4

(a) A. 1715. & 1725.

(b) Tit. de Med. §. 2. p. 14. BOEHMER , Diff. cit. §. 2.

(c) D. 7. Maii 1767.

Idem iam GREGORII XIII. fuit studium ; qui peculiari *Bulla* decrevit , ut *Collegium Physicorum* , quod *Romae* floret , examen eorum , qui Medicinam publice profiterentur , susciperet , & quos ad Medicinam exercendam non idoneos nec sufficientes repererint , exercitio Medicinae prorsus interdicerent ; seu ab ipso exercitio ad tempus , & donec in hoc studio maiores fecerint progressus , suspenderent ; aut eis , ne dictam artem , nisi cum praesentia alterius , vel aliorum Medicorum idoneorum & a *Collegio* isto approbatorum , ullatenus exercere audeant , prohiberent (a) . Iam vero saeculo XIII. , in Statuto Facultatis Medicae *Parisiensis* , contra illicite praticantes , „ sub omni poena ab utraque iustitia , tam Saeculari , quam Ecclesiastica , concedenda , ne aliquis *Iudaeus* vel *Iudaea* in „ aliquam personam fidei Catholicae , Chyrurgicè „ seu Medicinaliter operam praesumat (b) “ .

Cum vero *Dissertationes inaugurales Medicae* vel ab ipsis Professoribus , aut Doctoribus hucusque , sub nomine Candidatorum Medicinae , magna ex parte conscriberentur , vel ut plurimum absque insigni in rem litterariam emo-

(a) A. 1576. Bullar. M. T. II. p. 407.

(b) A. 1271. vel 1281.

lumento ab his ipsis , si paucas excipiamus ; elaborari coeperint : nullam tandem Candidato , in publico fidem conciliare maiorem potuerunt . Iussit ergo hoc ipso anno IMPERATOR SUMMUS , ut rigoroso , ad ipsos aegrotorum lectulos , examine , a Professore Medico , Candidati vires comprobarentur , nullus vero in posterum ex illis se ad scribenda eiusmodi specimina sciret esse coactum .

Tempus quoque in addiscenda arte consumendum , quamvis pro varia ingeniorum indole varium esse queat , legibus est determinatum . THESSALUS quondam , qui , Romae , veteres Medicos , & praecipue HIPPOCRATEM , spernendos omnino esse , publice docuerat , ausus quoque est artis Medicae regulas *sex mensium* tempore promittere : quo dein modo quamplurimos discipulos facile comparavit , nec altera ulla disciplina hos egere defendit (a) . Cum vero huius viri sententiam non ita vituperandam esse censuerit CHRISTIANUS etiam THOMASIUS : haberem certe , quae duriora videri possent , respondenda , nisi *magni viri* cineres , cui infaustos praecipue *Sagarum Processus* ex foro eliminatos debemus , piè venerarer .

Tempus addiscendae arti determinatum .

(a) GALENUS , Method. Med. Lib. I. c. I.

Superfunt duae leges FRIDERICI II. *Imp.*
 quas, Regno *Neapolitano* occupato, pro *Schola*
Salernitana dederat, a me hic memorandae :
 „ Quia nunquam, ait IMPERATOR, sciri
 „ p̄est scientia *Medicinae*, nisi de scientia
 „ *logicali* praescribatur; statuimus, quod nul-
 „ lus prius studeat in *Medicinali* scientia, nisi
 „ prius studeat ad minus *triennio*, in scientia
 „ *logicali*: post triennium, si voluerit, ad
 „ studium *Medicinae* procedat: ita quod Chi-
 „ rurgiam, quae est pars *Medicinae*, infra
 „ praedictum tempus addiscat. Post quod, &
 „ non ante, concedatur sibi *licentia practicandi*,
 „ examinatione iuxta *Curiae* formam praehabita,
 „ & nihilominus recepto pro eo de praedicto
 „ tempore studii, testimonio *Magistri*. Iste *Me-*
 „ dicus iurabit servare formam *Curiae* haec-
 „ nus observatam, eo adiecto, quod si per-
 „ venerit ad notitiam suam: quod aliquis *con-*
 „ *fectionarius* minus bene conficiat, *Curiae* de-
 „ nunciabit; & quod pauperibus consilium gra-
 „ tis dabit“. — „ Nec tamen post comple-
 „ tum *quinquennium* practicabit, nisi per annum
 „ *integrum*, cum consilio experti *Medici* pra-
 „ elicetur. *Magistri* vero infra istud *quinq-*
 „ *nium* libros authenticos, tam *Hippocraticos*,
 „ quam *Galen*i, in scholis doceant, tam in
 „ theoria, quam in practica *Medicinae*. Sa-

„lubri etiam Constitutione sancimus , ut nul-
 „lus *Chirurgus* ad practicam admittatur , nisi
 „testimoniales litteras afferet Magistrorum in
 „*Medicinali facultate* legentium , quod per an-
 „num saltem in ea parte *Medicinae* studuerit ,
 „quae *Chirurgiae* instruit facultatem , & prae-
 „sertim anatomiam humanorum corporum in
 „scholis didicerit , & sit in ea parte *Medici-*
 „*nae* perfectus , sine qua nec incisiones sala-
 „briter fieri possent , nec factae curari “ .

Quinque ergo pro *studio Medico* annos ,
 sextum vero pro *Clinicis* occupationibus , FRI-
 DERICUS II. *Imp.* designavit . In *Angliae* vero
 & *Irlandiae* tribus Universitatibus , tum *Oxo-*
niensi , tum *Cantabrigiensi* , tum *Dublinensi* ,
 quae singulae eisdem reguntur legibus , & om-
 nes fere Medicos Londinenses largiuntur , *qu-*
tuordecim anni ad summos in arte honores auspi-
 candos , requiruntur . In Statutis *Facultatis*
Medicae Parisiensis , iam saeculo *decimo tertio*
 iniungebatur Studiosis *Medicinae* : „ Dabunt fi-
 „dem Decano vel alii , Decani officium tunc
 „gerenti , vel coram tota facultate , quod in
 „*Medicina* audiverint per *tres annos* , *novem*
 „*menses* & sint in *quarto* de quo audiverint
 „per *quinque menses* ; Et si BACHELARIUS
 „de quolibet dictorum annorum per *novem*
 „*menses* *Medicinae* studio non vacavit , nihilo-

„ minus eidem legendi cursum concedatur, dum-
 „ modo per tres & duos menses BACHELA-
 „ RIUS dictae scientiae studuit pari diligentia,
 „ scilicet audiendo ordinarie, non computato
 „ tempore vacationis “. Pro *Bacalaureatu* ergo
 Medicinae tres ad minimum anni cum dimidio,
 pro *Licentiatu* vero *quinque* vel *sex* anni requi-
 rebantur (a). Nullus vero ex Medicis pro
Magistro haberi potuit, quem nunc *Doctorem*
 dicimus, nisi ad minimum *per duos annos Me-*
dicinam sine interruptione ipse docuisset (b).
 Hodierno tempore a Regibus Galliae lex fan-
 cita est, ut, qui Doctoratus honores ambiunt,
per tres annos Universitatem, in qua gradum
 sunt assumpturi, frequentandam habeant. Omni
 tertio mense facienda inscriptio; lectionibus
 exacte assistendum, pluraque examina ab iis
 sunt subeunda (c). In *Saxonia* *tres* studio
 Medico anni sunt consecrandi, quorum ad mi-
 nimum *duos* in patriis Academiis, *Studentes*
 habent transigendos (d).

(a) De la Médecine en France, p. 110.

(b) L. c. p. 143.

(c) Règlement pour l'Étude & l'Exercice de la
 Médecine, donné à Marlis au mois de mars
 1707. Art. IX. X. — L'Anarchie Médicinale,
 ou la Médecine Considérée comme nuisible à la
 Société, per M. GILIBERT, II. P. p. 64.

(d) Disposit. d. 19. Febr. 1773.

Quemadmodum vero dignitas *Doctoralis* insignibus ornata privilegiis, nonnisi certo scientiae gradu, annorumque huic impensorum numero potuit adquiri: ita & magna erant Medicinae *Magistris*, dein *Doctoribus* imposita per *leges* officia.

OFFI-
CIA.

Iam *Aegypti* Medici, legibus erant accurate circumscripti. Medicinam enim exercebant ex lege scripta. Si, hanc secuti, aegroto sanitatem reddere nequibant, culpâ vacarunt & indemnes abierunt: si contra praescriptum egissent, *capitis iudicium* subibant. Post *quartam* autem morbi diem movere aliquid licebat: si quis Medicus antea ausus fuerit, suo ille periculo erat curaturus (a). DARIUS, *Persarum* Rex, cum equo in venatione exsiliret, pedem luxavit, nec ipsius Medici *Aegyptii* potuerant restituere; restituit vero DEMOCEDES, Graecus: lata hinc est in illos a Rege, *crucis sententia*, quam DEMOCEDES nobili ingenio deprecatus est (b). Hinc lex in *Persia* subsistit, ut *Medici*, demortuo Rege aut eius filio, aula exulentur cum *Astrologis*: illi, quod morbum curare, hi, quod praedicere mortem non sci-

(a) ARISTOT. *Politicor.* III. cap. 2. DIODOR. *SICUL.* Lib. I. CLEM. ALEX.

(b) HERODOT. Lib. III.

verint ; ex qua consuetudine & DANIELIS Exilium post mortem NABUCHODONOSORIS , ex aula *Persiae* explicat cl. HORMARS (a) . In *Bengaliae* Regno , *Medici inexperti* pro *furiis* recte habentur , atque ut tales puniuntur (b) . In genere , quicumque artem proficitur , cuius solidam scientiam non habet , is , siquid ex imperitia committit , culpa reus est (c) . Nemo enim affectare debet , infirmitatem suam aliis periculosam fore (d) . Lex est , quae Medicum imperite secantem , vel perperam medicamentum exhibentem , vel curationem derelinquentem , aut simile quid admittentem , actione ex L. *Aquilia* conveniri posse concedit (e) ; alia vero , qua haeres Medici insidias ulcisci iubetur (f) . Neque , quod per *imperitiam* commisit , Medico non imputatur ; nec praetextu humanae fragilitatis delictum decipientis in periculo homines innoxium esse oportet ,

(a) Observations on divers passages of Scripture .

(b) A Bode of gentoo Laws. From a Persian translation made from the original , Written in the SHANSERIT Language .

(c) L. 132. ff. de reg. iur.

(d) L. 8. §. ff. de oblig.

(e) ULPIANUS , l. 7. §. 8. ff. ad L. *Aquil.*

(f) HERT. Diff. de haered. occif. Vind. ad tit. ff. de SC. *Silvan.* Sect. I. §. 7. Opusc. I. T. III. p. 280.

fed culpa^e is reus intelligitur (a). Cadit vero *imperitiae* crimen in eos, qui contra artis regulas aliquid admisisse probari possunt, & qui, artis ignari, se illi immiscent (b). Quare, dum Medicus ex *negligentia*, vel ex *defectu amicitiae*, interim absque proposito, cuique mortis suae auctor fuerit, atque per doctos artisque peritos Viros eruatur, illum medicamenti incongruis, illicitis, ex *levitate animi* vel *audacia* esse abusum, quibus mortis causam demum dederit; illum pro rerum natura & peritorum de his iudicio puniendum esse: in quo vero praecipue in illos vigilandum sit, qui audaci animo, quamvis artis imperiti, medicamenta aegrotis porrigere non reformidant (c). In tanta legum severitate, magnas mercede gratias referant humo medici, quo errores illorum benigno saepe obteguntur Cortice, neque fors illos spectat iniqua Archiatrorum Regis *Franciae* GUNTRAMI, cuius uxor AUSTREGILDIS a marito moriens petiit, ut binos medicos, quos mortis suae causam esse

(a) ULPIANUS, l. 6. §. 7. ff. de off. praest.

(b) Const. Crim. CAROL. V. art. 124.

(c) De puniendis Medicis. Vid. LAMPE, l. c. p. 167. 69. — GONZALEZ libr. Decretal. T. I. p. 483. 4.

credebat, morti quoque committeret, gratiamque mortua obtinuit (a).

Quando vero Medici, in magnis malis, alios minus peritos, vel Candidatos, vel Chirurgos artis Medicae forte non potentes, ad sibi *referendum* ad aegrotos mittunt, non minus ex culpa absentiae & desertionis accusandi sunt, (b) graviterque puniendi, ubi aegrotus ex morbo perierit: non enim hic de glande legenda, sed de vita hominis diligenter servanda agitur, paremque in iure habent conditionem, non adesse, & haud commode adesse (c). Quare & in Ordinatione iam adducta *Imperatoris* FRIDERICI II. de Medico, cui artis suae exercitium committendum est: „Iste Medicus visitabit „aegrotos suos ad minus *bis in die*, ad requi- „sitionem infirmi, *semel nocte*: a quo non „recipiet per diem, si pro eo non egrediatur „civitatem vel castrum, ultra dimidium *Tarre- „num* auri. Ab infirmo autem, quem extra „civitatem visitat, non recipiet per diem ultra

(a) GREGOR. TOURENSIS, L. 3. c. 35.

(b) Per §. 6. Inst. de L. Aquil.

(c) Arg. l. 14. §. 2. D. de Leg. III. l. 8. §. 2. D. de bonor. Poss. contr. Tebb. l. 4. §. 6. D. de re iudic. Vid. Casp. QUESTELII Diss. iurid. de pulvinari morientibus non subtrahendo Ienae 1698. p. 21.

„ tres tarrenos , cum expensis infirmi : vel ultra
 „ quatuor tarrenos cum expensis suis . Non con-
 „ trahat *Societatem cum Confectionariis* , nec
 „ recipiat aliquem sub cura sua ad expensas
 „ suas , pro certa pretii quantitate ; nec ipsi
 „ etiam habebit propriam stationem (a) “ .

- *Physicos* , qui annona publica sustentur ,
 ad omne quodcunque Medicum adstringi , per se
 patet ; ast & alius Medicus , ubi *solus* , vel
quasi solus , in civitate degat ; *pestis* etiam
 tempore , ad aegrotum visitandum cogendus erit
 (b) . Medendi enim officium , in se iam munus
 publicum sistit (c) , quod quilibet , etiam in-
 vitus , *regulariter* subire tenetur (d) . Etiam
 ubi plures alii Medici in civitate sunt , aeger
 autem in ipsum habeat fiduciam , quae multum
 operatur in eius salutem , opinante sic PAULO
 ZACHIA (e) , esset cogendus .

Frank Prolus. E

(a) CHRISTIAN. THOMASIIUS , de iure circa
 pharmacopolia civitatum . Halae Magdeb. 1697.

(b) PAUL. ZACHIAS , Quaest. Med. legal. T.
 III. Conf. 71. n. 1. 25. & seq.

(c) IO. FRANC. RIPA , Tr. de Peste , c. VII.
 n. 90.

(d) L. fin. 18. §. 1. & 28. D. de muner. & honor.
 l. 13. 2. de Vac. & Excus. mun.

(e) L. c. T. II. Lib. 6. tit. 1. qu. 6. n. 7. seq.
 p. 457. QUESTELIUS , l. c. cap. 2. §. III. p.
 21. 22. 23.

Medicus ergo tam publice constitutus, cuiusque petenti, necessariam opem largiri debet, etiamsi *hostis* sit, vel alios consulerit: eo ipso enim, quo medicamenta a te petit, manum quasi porrigit, & reconciliandi animum ostendit (a); — quam etiam illi, qui ex privatis *salarium* accipiunt, ad hoc tenentur: quia etiam is, qui nullum *salarium* ex Reipublicae aerario accipit, publicae salutis causa institutus est, ecque intuitu diversis fruitur *privilegiis*.

Interdum etiam Medici convenit officio, ut aegrotum propriis sumptibus curet (b); in fine autem morbi repetit, quae impenderit (c). Interdum etiam non repetit, & gratis curare pauperem obligatur: eo „*quod laudabilius sit obsequi tenuioribus, quam turpiter servire divitibus* (d).

Sed & invito non tantum & *reluctanti* subinde succurrere debet (e): quia & invitus ex domo ruitura extrahendus est, & infirmus,

(a) SACHS l. c. §. IV.

(b) C. 1. Dist. 83. l. 14. §. 13. ff. de relig. & sumpt. funer.

(c) SACHS l. c.

(d) Vid. Gloss. ad c. 1. dist. 83. Adde l. 1. §. 1. ff. de extraord. cogn. l. 1. ff. de decret. ab ord. fact. l. 9. C. de Prof.

(e) Gloss. in d. c. 1. Dist. 83.

qui Medicum in casu necessitatis admittere non vult, sanae mentis non esse praesumatur; sed & ei, de cuius salute *desperatur*: quia saepius morbus videtur *desperatus*, cum tamen spes non penitus vana sit. Iudicio ergo suo non plus est tribuendum, quam *pietatis* ratio permittit, & „ iniquum est, *desperatum* vocare, „ quoties Medicina remedium non invenit (a)“. Imo si morbus in totum *deploratus* sive simpliciter *incurabilis* est, non tamen ab omni medendi conatu penitus abstinere debet Medicus: nam

Requiem tamen indere morbo
fas erit, & tristem saltem mulcere dolorem (b).
Neque minoris delicti est, curam semel inceptam, ex quacunque ratione, derelinquere (c).
Hinc ALEXANDER III. GLAUCUM Medicum
in crucem agi iussit, qui, *ut spectaculis interesset*,
Hephaestionem deseruerat (d).

Sed & aliae leges pro Medicis latae, etiamsi
nonnisi *praecipuarum* hic mentionem facere con-

E 2

(a) QUINT. declam. 8.

(b) Vid. SACHS, l. c. ZACHIAS, l. c. lib. 6. qu. 6. t. 1. n. 29. BOHNIUS de officio Medici duplici, Clinico & Forensi; c. 4.

(c) L. 6. Inst. de L. Aquil. & l. 8. pr. ff. eod.

(d) PLUTARCHUS in ALEX. Vit. T. III. p. 1292.

tendam , sunt adducendae . Hi enim , ad aegrotum vocati , quem *in periculo haerere* credere possunt , variis tam Ecclesiasticis , quam Civilibus legibus adstricti sunt ad *Confessorem* advocari curandum : „ Cum infirmitas naturalis „ nonnunquam ex peccato proveniat , dicente „ Domino , languido , quem sanaverat : vade „ & amplius noli peccare , ne deterius tibi „ contingat , praesenti decreto , ait INNOCENTIIUS III. statuimus & directe praecipimus „ *Medicis corporum* , ut , cum eos ad infirmos „ vocari contigerit , ipsos , *ante omnia* , moveant & inducant , ut *Medicos* advocent *animarum* : ut , postquam fuerit infirmo de spiritali salute provisum , ad corporalis Medicinae remedium salubrius procedatur , ut cum „ caussa cessante , cesset effectus . Siquis autem „ Medicorum huius nostrae constitutionis , postquam per praelatos locorum fuerit publicata , „ transgressor exstiterit , tandem ab ingressu Ecclesiae arceatur , donec pro transgressione huiusmodi satisfecerit competenter (a) . Lata vero haec lex dicitur , quod quidam in aegritudinis lecto iacentes , cum eis a Medicis suaderetur , ut de animarum salute disponderent ,

(a) Cap. 15. X. de poenit. & remiss.

in desperationis periculum incurrant (a). Poenam vero Medicis *salutem* aegrotorum *spiritualem* negligentibus, ab INNOCENTIO III. impositam probavit & novis accessionibus adauxit PIUS V. (b). „ Quodsi qui Medicorum, inquit, praemissa non observaverint, ultra poenas in dicta Constitutione contentas, quas incurrere declaramus, *perpetuo sint infames*, & gradu Medicinae, quo insigniti erant, omnino priventur, & a Collegio, seu Universitate Medicorum eiiciantur, & poena etiam pecuniaria arbitrio ordinariorum, ubi deliquerint, mulctentur“. Sanxitque idem *Pontifex* (c): „ Ut nullus posthac ubique locorum, in Medicina *doctoretur*, aut ei quomodolibet medendi facultas a quovis Collegio & Universitate concedatur, nisi omnia in hac praesenti Constitutione contenta medio eorum *iuramento* confirmarint“. — „ Ordinarii (verò) iuramentum praedictum Medicis iam *promotis*, seu licentiam medendi habentibus, omnibus iuris remediis exigant, neque aliquos ad me-

E 3

(a) L. c. Vid. Iust. Henningii BOEHMERI Diff. de Medicorum animae & corporis in sanandis aegris coniunctione. Halae Magdeb. 1736. §. 1.

(b) In Bulla a. 1566. promulgata.

(c) §. 6.

„dendum in civitatibus & dioecesibus praedictis
 „admittant, nisi eis constiterit, eisdem iura-
 „mentum huiusmodi praestitisse, & contumaces,
 „& jurare & iuramentum iam praestitum exhi-
 „bere recusantes, gradu Medicinae, & omni-
 „bus privilegiis eisdem Medicis, tam coniunctim
 „quam divisim eis & eorum cuilibet concessis
 „per quosvis etiam Romanos Pontifices, pri-
 „vent, & ab ingressu Ecclesiae arceant, donec
 „resipuerint (a)“. Eaedem vero hae Ordina-
 tiones mox ab aliis Ecclesiis receptae sunt.
 Cardinalis vero DE NOAILLES, cum Archie-
 piscopus esset *Parisiensis*, iniunxit (b) Medicis,
 ad exemplum *Conciliorum*, praecipue *Parisen-
 sis* (c), aliorumque Provincialium *Galliae*, ut
 suae dioeceseos aegrotantes *ab initio morbi* ad-
 monerent, ut de *conscientia* sua cogitarent,
 neque illis de hac loqui differrent, donec a
 violentia mali impedirentur attento his rebus
 animo invigilare. De novo lex haec confir-
 mata est (d), & ab aliis Episcopis imitata.
 Tandem *Regio* quoque *Mandato* (e) Medicis

(a) L. c. §. 7.

(b) D. 9. Mart. 1707.

(c) De ann. 1429.

(d) A. 1712.

(e) D. 8. Mart. 1712.

eiusdem est iniuncta executio, ita quidem, ut *secunda* iam die visitationum suarum, Medici aegrotos, febre, vel alio periculoso morbo laborantes *de Confessione* absolvenda admonerent, vel per affines moneri curarent: & quod, si haec minus in utrosque agere videantur, ut *Parochum* aut *Vicarium* aegroti, de his redderent certiore atque facti sui ab illis expectant *testimonium*. Ultro vero interdictum fuit Medicis tertiâ aegroti visitatione atque curâ, nisi testimonio Confessoris, de illius vocatione aut praesentia apud aegrotum, aut de peracta huius confessione, ipsis pateat. Quodsi *prima* vice haec neglexerit Medicus, *multam trecentum librarum* exhibeat; *secundâ*, ad minimum pro tribus *ab officio* mensibus *suspendatur*; *tertiâ* vero dignitate sua & *gradu* *privetur*, illius ex facultate Medica deleatur nomen, atque in omni *Galliae* Regno in perpetuum suo interdicitur officio.

Clarius vero prima legis occasio, ex facta eiusdem nova sanctione (a) concipitur, cum eidem ordinationi tunc additum sit: „ ut scilicet praefati aegroti, *praecipue vero subditi*

(a) D. 14. Maii 1724.

nostri, qui ad *Ecclesiae sinum de novo se converterunt*, consolationibus spiritualibus, quibus indigeant, atque Sacramentis muniantur, ad quae per dictos aut *Parochos* aut illorum *Vicarios*, inveniantur praeparati!

Durum vero mandatum, duramque, in Bulla Papali, impositam Medicis poenam, neque satis delicto adaequatam esse, credebatur ZIEGLERUS (a): praesertim cum de *affinibus* quorum eadem & potior adhuc cura sit, nihil tale inveniatum constitutum. Dein *sceleratis* etiam a Medico ferendum esse auxilium, atque si ob negatam sic opem homo mortuus fuerit, aut damnum ei illatum esset, culpa reum a Iurisconsultis intelligi, defendit LAMPIUS (b). Quid ego de his sentiam, hoc solum est; nostris temporibus uniuscuiusvis Medici esse, ut & de propria sibi fama caveat, atque dum periculum aegroto instare videat, id vel illi ipsi, vel, si sensilioris animi sit, *affinibus* mox & in tempore patefaciat; neve opinioni locum concedat, se periculi diutius, quam par fuerit, mansisse igharum. Neque tamen ideo reluctan-tem spiritualibus aegrotum, physico suo destituet

(a) Ad LANCELL.

(b) L. c. §. X. p. 150. 51.

auxilio, sed tempus resipiscentiae, in quantum ille potest, prolongabit persuasus, cuique nunc a legibus conscientiae suae libertatem concedi, neque ab his exigi, ut, sat iam infelix aeger, in rebus maxime seriis aut pietatem quam non habet, simulet, aut memoriae suae iniquam inuri maculam videat. Quodsi vero Medicus, vel ob levitatem animi, vel ob suam in *prognosi* imperitiam, aegrotum in periculo versantem, de hoc ipso admonere neglexerit, atque sic occasione, tum saluti tum rebus suis oeconomicis familiaribusque prospiciendi, frustraverit: meretur sane, quem ipsa iam castigabit *conscientia*, famaeque decrementum, a lege quoque notari.

Alia lex est, quae Medico certis quoque uti remediis interdixerit. In decreto enim INNOCENTII III. eodem, cuius supra mentionem inieci, dicitur quoque: „Cum anima sit multo „ pretiosior corpore, sub interminatione *Anathematis*, prohibemus, ne quis Medicorum, „ pro corporali salute aliquid aegro suadeat, „ quod in periculum animae convertatur (a)“. Eadem fere in Statutis Provincialibus Archiepiscopus *Trevirensis* video commendata (b). Pos-

(a) Cap. 15. X. de poenit. & remiss.

(b) Histor. Trev. diplom. T. II. c. 95.

sunt vero haec , non infuetas adeo Medicis quondam *incantationes* & *superstitiosa* respicere remedia ; alia vero , & *continentiae* leges concernentia sunt momenta : ad , quae non semper admodum in sanatione morborum videntur respexisse aliqui (a) , neque ab omnibus Theologis ideo semper notati sunt Medici . Alibi quondam de his plura notavi (b) , quæ superaddere aliquid nec locus hic est , nec occasio favet .

Alia sunt , quae legibus circa Medicorum officia sancita quidem non fuerunt , quae vero Legislator honestati eorum & morum probitati ultro credidit esse committenda . Haec ego , si hodie omnia vellem enumerare , non mihi dies haec sufficeret , neque , cum a cl. GREGORY pridem tanto cum successu fuerint pertractata , patientia Vestra in his abuti contendo . Ut enim nunc PATRES Sapientissimi , AUDITORES Honoratissimi , Professoris Medicinae Clinicae officium clementissime mihi demandatum legibus Academicis auspicer , ad Vos me , novum

(a) Vid. HOFFMANNI Med. rat. system. T. V. pag. 164. MESUE , cap. propr. HERCULES SAXON. &c.

(b) Medicinische Polizey I. Band. Vid. SANCHEZ de Matrimonio , Lib. IX. Disput. 17. n. 19. T. 3. Vid. PAUL. ZACHIAS , l. c. L. VI. T. I. qu. V. n. 19.

apud Vos Hospitem, eâ, qua par est, pietate converto, Vestramque benevolentiam, favorem, amicitiam imploro. Patriam dilectissimam, in me certe non ingraram, affines, amicos, ut CAESARIS AUGUSTISSIMI iussui obtemperarem, tantisque Viris interesse liceret, derelinqui, omnemque in Vos fiduciam ignotus adhuc posui; felix, si & SUMMI IMPERATORIS expectationi tandem satisfaciam & partem aliquam honoris, quo haec celeberrima Academia apud omnes fruitur, meam faciam. Vos autem Commilitones optimi, quibus Legum in Ordinem Medicum favores, beneficia & rigorem hodie exposui, — quae Vestra sint, quid Respublica, quid Patria, quid Parentes, quid aegrotorum, curae quondam Vestrae committendorum salus, quid honor proprius & vitae Vestrae felicitas a Vobis expectent, ex dictis facile conspicietis. Magna sunt *Medici veri* in genus humanum officia: partem illorum alteram, ad aegrotorum lectulos exponam & artis principia, quae ex ore tantorum Praeceptorum hausistis felici experientia comprobabo. Mereamini quondam honorificum Medici titulum; neque tamen credite, levi illum mox nisu comparari vel si comparatus sic fuerit, tam facile posse conservari. Medici autem vel ignari atque inexperti, vel legibus refragantis, ingentia in Rempublicam facinora sunt: is amici facie inter cives

suos incedens , sine discrimine singulos , favente tempestatis aut Epilemiarum iniuria , improvise adgreditur , tantasque tum ignorantiae suae , tum audaciae , tum crudeli petulantiae atque avaritiae victimas ferit , quantas apud ferocissimos populos nullus unquam , vel exercitatissimus *Sacrificator* infenso numini vindicavit . Abhorretis hominem , cuius manus , benefactorum , amicorum parentumque dulcissimorum sanguine fumant , quique tacitae pestis in Republica simulacrum sistit ?.... Cavete , ne in Vos ipsos forte , si labores quos nunc suscipitis , leviori animo absolvatis , sententiam feratis , atque minus adhuc rigoris legibus in Medicos , quam in caeteros malos cives esse comprobetis . Sed alia certe sperare a Vobis iubent & industria Vestra , & magnus in artem fervor , quo laesae in aegrotis naturae leges studio prosequimini , — humanitatis ratio , qua aegrotorum querelas suscipitis , atque in extricandis artis regulis lenimen eisdem quaeritis , fiducia denique Vestra , quam in me ipsum ponitis , quamque , ut tam de Vobis , quam de Republica bene merear , quovis officiorum genere & fovere & pro viribus augere Vobis sancte promitto .

IOANNIS PETRI FRANK


MED. CLINIC. PROF. P. O. &c.

ORATIO ACADEMICA

D E

VESICA URINALI EX VICINIA MORBOSA
AEGROTANTE.

*Die XXIX. Aprilis MDCCCLXXXVI.
recitata .*



ORATIO ACADEMICA

*De Vesica urinali ob viciniam morbosam
aegrotante .*

Quemadmodum in quavis Societate degentibus, magna vitae in eo posita est felicitas, PATRES *Sapientissimi*, & AUDITORES *Honoratissimi*, ut probo quivis atque pacifico vicino gaudeat, amicoque eiusdem utatur consortio: talis certe & singulorum homini concessorum viscerum conditio mihi videtur, quae, si in aliorum posita sint. vicinia, quorum substantia ignem semel susceperit; eodem facile, & inopinanter incendio deflagrant.

Dignam hinc semper experto Medico credidi Materiam, *morbosum*, qui ex vicinia *morbosa oriuntur*, perscrutationem, neque pars haec Medicinae, attentione nostra certe dignissima, mihi satis adhucdum videtur exculta. Ast vero cum, ob plurimos alios labores, mihi & in hos descendere, data non sit potentia: aliquot saltem *de vesica urinali ob*

viciniam morbosam aegrotante fragmenta, hac occasione collaturus sum, qua Viris iuvenibus Lauream Medicinalem imponendi pergratum — eoque gratius certe officium in me, pro prima vice, nunc hoc in loco suscipio: quod uterque ex illis, eiusdem Patriae fontes medicinales hauferit, quibus & ego quondam enutritus sum; quodque in hac ipsa nostra Academia, Germanis quoque, ob Vos ipsos, PATRES Sapientissimi, quos nunc alloquor, celebratissima, se tales ambo praestiterint, ut mihi, dum in Italia scientiae suae specimen publicum illis edendum esset, non certe fuerit coram acquisitis iudicibus erubescendum.

Sed nova gaudii honorisque in me redundat ratio Auditores! ipse enim ego, quem ante paucos annos REX MAGNAE BRITANNIAE POTENTISSIMUS, *Georgiam Augustam*, pro docenda ibidem praxi medica, vocari clementissime dignatus erat, ut primus essem, qui, *Catholicae* fidei addictus, Cathedralam in hac magni nominis Academia, ascenderem, & Tolerantiae, & Acquitatis Regiae testem agerem publicum, — nunc demum & SUMMI IMPERATORIS gratia, me in hanc honorificam Sedem collocatum, atque de novo, *Tolerantiae* etiam *Imperatoriae* instrumentum fieri video, qua Virum iuvenem,

Protestantium religioni adstrictum, fraterno animo amplectar, Doctorum Universitatis nostrae Regiae Albo inscribam, & sic partem honoris *Georgiae* meae dilectae publice reddam, quem publice in me tam benigne contulerat. Hi fructus sunt, PATRES *Sapientissimi*, divinae illius *Tolerantiae*, cuius *Pater* est, *Quem* nos tot aliis adhuc titulis *Patrem* vocamus, & in quo gloriamur omnes, IOSEPHUS II. IMPERATOR AUGUSTUS. Sub *huius* Regno, iam ante complures annos (a), in hoc ipso Archigymnasio, non obstante Religione aliena, Laurea Medica solemniter ornatus est *Ferdinandus Quex ex Cassonay, Bernensis*; atque ante quinque hos annos, hanc ipsam Cathedram conscendit celeberrimus TISSOT, Praedecessor meus, *Protestanti* quoque *Ecclesiae* adscriptus: ita ut, quod priora vix credidissent saecula, ipsa, sub tali IMPERATORE, prima tolerantiae Exempla, convulso interim, & frendente in tenebris fanatismo, dederit *Italia*.

Sed quo non mea me gratitudinis, ob tanta in genus humanum beneficia, sensatio abripit! — ad ea pergam, quae vobis de

(a) Die 16. Martii 1775.

Vesicae morbo ex vicinia morbosâ oriundo , promiseram , eaque brevi sermone nunc absolvam .

Viscera in pelvi humana sita , feminae tria sunt , viro , ut aiunt , non nisi duo : vesica urinâlis & intestinum rectum , inter quae , medium gerit malier uterum , generis humani commune domicilium : cuius tamen vices in viris , non certe minores , agunt vesiculae duae , spermati prolifico tum suscipiendo , tum fovendo , a natura providissime adaptatae . Tam vasis & membranis , quam fibris muscularibus , arctissime inter se cohaerent haec organa ; neque sane mirum videbitur , si , aegrotante uno , & alia mox in consensum rapiantur homini insensissimum . Maiora omnino mulierem hic expectant pericula : cum uterus , praecipue gravidus , cum partûs tot aliae sequelae , tum vesicam cum urethra , tum intestinum rectum , non raro gravi morbo , licet secundario , afficere soleant . Sed & virorum fors his incommodis vacua certe non est , atque haec ulterius docebunt tria , quae nunc afferam , exempla : a quorum commemoratione utilitatem in meliori horum affectuum cognitione aliquam futuram esse confido .

Pharmacopola Bruchsalienfis , 50. circiter annorum [N. Eichhaendler) , a longo iam

tempore haemorrhoidum fluxu vexatus, atque, hoc ipso minus recte succedente, magnis saepe cruciatibus ad rectum intestinum obnoxius, quos, immanes licet, patienti animo perferre solebat, post longa huius naturae incommoda, alvum sibi liquidiorum fieri urinamque penitus suppressi, persenserat. Atque haec quoque symptomata vir morosus & in se ipsum perdurus, silens pertulerat: donec lecto continuo affixus, viribus exhaustus, habitumque summe cacheticum praesens, sero nimis opem a me efflagitare cogitaverit [1780.] febris aderat hectica, abdomen tumidum, pedes turgabant, & nolenti effluebat per alvum sanies & humor urinam redolens, cum interim saepe per quindecim dies & ultra, nec guttula urinae per urethram redderetur. Non raro vero per ipsam virgam *flatus* foetidissimi aliquo cum impetu erumpebant: per aliquot iterum dies sequebatur urina magni foetoris, perpauca, turbida; mox de novo suppressabatur per longum temporis intervallum, atque alvi repetito viam relegabat lotium, quod, pure remixtum, intolerabili foetore atmosphaeram replebat, ut nullus fere aegrotanti adstare amplius potuerit.

Sedem mali altiori intestini loco positam fuisse, vel ex eo clarum est, quod, adcu-

ratiſ inquirenti per digitum Chirurgo , mali veſtigium nunquam pateret . Morbum hinc lethalem facile praevidens , optavi ſaltem , ut , poſt mortem certam , paulo adcuratiſ in cauſas inquirere liceret ; aſt , dum , quo tempore ad Sereniſſimam Principem *Bado-Badenſem* , cuius tunc quoque Archiatri vicibus fungebar , vocatus eſſem , deceſſerit Aeger : cum eodem ſpes utiliſſimae ſectionis ſepulta eſt .

Mox vero alius non adeo abſimilis caſus ſeſe mihi obtulit in Viro Muſices Magiſtro [D. Freibott] *Bruchſalienſi* , habitus valde ſcrophuloſi & pinguis , aetatis 64. circiter annorum . Aegroto quidem Medicus ego vix adſtiteram ; ſed urinam pauciſſimam , valdopere foetidam emiſſam , dein penitus ſuppreſſam fuiſſe ex alio intellexi : unde , praetumido ventre , ſub ſummis doloribus extinctus eſt . Sectionem Cadaveris cum Chirurgiae Profefſore , Doctore *Wrabetz* iſtitui , illaque mox obtulit inſignes Meſenterii inſarctus & carcinomaticos tumores , qui cum *Veficae* fundo concreverant , eandemque ichore plane corroſivo & inſigniter foetido adeo iam exſerant , ut largo oſtio patens veſica urinaria , in ipſum pelvis cavum effuderit lotium , quod , cum Ichoris Carcinomatici magna copia commixtum , tam intolerabilem ſub ſe-

ctione foetorem sparserat , ut fine animi instante deliquio , accuratiorem sectionem continuare non licuerit .

Licuit vero talem , anno elapso , in ipsa huius Archigymnasii *Schola Clinica* , coram Auditoribus meis , instituire ; cuius historiam morbumque praegressum hic paucis enarrabo . Medicum assistentem constitueram D. Doctorem Aloysium *Bulliani* , atque ex huius , mihi , uti lex apud nos est , exhibito diario depromptam hic symptomatum recensionem communicabo .

Sacerdos Venetus , *Victorius Delulmo* , septuaginta trium annorum , post iter susceptum , inassueta debilitate se correptum persensit & appetitu incessit prostrato . Successit respirandi difficultas , dolor ad hypochondrium dextrum , usque ad regionem umbilicalem huius lateris descendens . Hypochondrium quoque sinistrum , tumorem manibus offerebat : quibus symptomatis per binos menses vexatus , Scholam Clinicam petiit , cui tunc praeerat celeberrimus Collega , illustris Professor CARMINATI , atque inventus fuit , tum hepatis , tum lienis , tum ipsius quoque mesenterii tumore , ad infimam regionis hypogastricae sedem descendente , laborare . Ab his malis , ope *saponis acidi* , a parva primum

dosi, adusque tres dragmas in die, per binos & ultra menses, assumpti, curatus recessit.

Domum reversus, putrida febre gravissima, dein vero dysenteriae symptomatis correptus fuit, qua licet curata, remansit tamen diarrhoea, contra quam varia remedia ex classe adstringentium ab amicis porrecta sunt: ita ut diarrhoea supprimeretur quidem per aliquos saltem dies; mox vero iterum vi majori erumperet alvi fluxus: ob quem de novo, pluriesque Nosocomium adivit variamque, sed insufficientem malo incurabili methodum est expertus.

Novum vero nunc exoriebatur symptoma. Decedebant iamiam per urethram, dum mingeret aegrotus, materiae crassae subcinerei coloris, foetidissimae, quin tamen abhinc dolor ullus produceretur aut pruritus. Die igitur 31. mensis Maii 1785., sese ad *Clinicam* nostram contulit, & sequentia nobis exhibuit symptomata.

Pulsus erat mollis, debilis, paulisper frequens; respiratio expedita, lingua pallefcens, muco obducta, foetebat halitus, vox erat debilis, cutis sicca, abdomen molle, frequentesque deiectiones foetentes largiebatur, quae fluidae erant griseoque tinctae colore. Urina pauca excernebatur, sed multa materia grisei

coloris , foecibus descriptis perfimili , eodem praedita foetore , referta .

Non dubitavi , mox diarrhoeam hucusque perpeffam , pro *diarrhoea urinali* declarare , atque Auditoribus meis praedicere , ulcus infaubile ex intestino recto cum vesica urinali communicaturum . Dabantur interim quaedam remedia leniter evacuantia .

Die prima Iunii , pulsus erat elevatior , vix febrilis , lingua purior ; foeces , sat copiosae , flavescabant ; urina foecibus lotio dilutis perfimilis .

Die secunda Iunii omnia eadem .

Die tertia . — Huc usque aegroti urina suppressa invenitur , sine ulla tamen ad pubem tensione animadversa . Dabatur tinctura corticis peruviani cum anima rhabarbari .

Die quarta . — Neque in hunc usque diem minxit aegrotus .

Die quinta . — Epota sic dicta limonada , aegrotus urinas denuo excrevit per urethram . Tunc Enema ex cortice peruviano a me praescribatur , spe freto , hoc ipsum urinae vias ex parte lecturum esse . Sed fefellit experimentum , & urinae die sequenti prioribus correspondebant . Hinc iussi , ut butyrum in infuso chamomillae calido , diligenti conquassatione , solutum , ad aliquot uncias , intestino recto ini-

ceretur : credens , hoc ipsum , si vesicam intraret , facilius posse in urinis distingui .

Ast vero die octava nullum butyri vel pinguedinis in urinis signum adparuit , neque , cum experimentum repeteretur , expectationi magis respondere vidimus . Hinc aquam coccineo colore praeditam , per ipsam urethram , vesicae iniici curans , expectavi , ut , si perforata esset , uti asserueram , vesica ; ex hac , colorata per alvum deplueret urina . Ast vero magna ex parte per ipsam urethram effluxit aqua coccinea .

Hac ipsa denique nocte haemorrhagiam ex intestino recto perpeffus est aegrotus , magnamque sanguinis nigri , congruati copiam deperdidit . Abhinc debilissimus , pulsum exhibuit intermittentem , lentum , accessit denovo levis ad vesperam febricula , quin tamen respiratio redderetur difficilior : quidquod aegrotus se multo melius habere profiteretur . Dabantur remedia ex corticis peruviani extracto ; ast vero sub noctem decimae diei , novâ per alvum suborta haemorrhagia , summo languore prehensus , vitam cum morte citissime permutavit .

Sectio Cadaveris in Commilitonum praesentia a me fuit instituta . Abdomen valde contractum & depletum erat . Apertis illius

Integumentis , visa sunt , omentum adipe fere omni destitutum , intestina crassa ex livido virescentia & aere multo extensa . Mesenterium atque hepar nullum nobis exhibuerunt tumorem praeternaturalem . Ast vero adeps copiosus , flavus , inter ambas mesenterii laminas haerebat aequaliter dispersus . Intestinum *Ileon* in pelvis cavum , a sinistris , profunde descendebat & ex hoc demum , a dextris , ad coecum intestinum adscendebat . Intestinum *Colon* , postquam ad flexurae suae , quam *Sigmoidaeam* dicunt , & ad recti confinias pervenisset , invenimus subito in angustiam contractum , laminisque a peritoneo natis constrictum , & quasi incarceratum . Mox continuabat a dextris & a parte posteriori , eiusdem intestini dilatatio , & haec in saccum quemdam abiit , pugni virilis fere magnitudinem habentem , subrotundum . Specillum ano immisum , facile ad hunc saccum perveniebat .

Dissectis laminis illis a peritoneo praeternaturaliter natis & colon constringentibus , hoc , in parte contracta , mox magis potuerat dilatari .

Dissecta , in longum , vesica urinaria , mox constitit , hanc , *foramine* pollicem lato , in circumferentia calloso , cum sacco illo intestini recti , aut potius adhuc , coli ipsius ,

communicare, hoc scilicet cum posteriori vesicae urinalis pariete arctissime connato, & ope dicti foraminis cum ipsa vesica correspondente. Foculenta interim & subcruenta materies, liquida, foetidissima, in cavo vesicae inveniebatur.

Ex utroque vero, & posteriori vesicae latere, ureteres adscendebant, volumine suo naturali, ad minimum triplo maiores, lotio impleti pellucido, atque in morem intestini tenuis extensi. Sic ad renes ipsos dilatati ascendebant. Ren sinister extensus, non nisi pelvim fere renalem valde extensam referebat, substantia eius vasculari multum ubique extenuata. In dextro rene haec paulo minus obtinebant; ren autem succenturiatus, praemagnus observabatur. Suppurationis in renibus vestigia nulla.

Atque haec erant quae in hoc cadavere invenimus memoratu certe dignissima. Quodsi aliqua super his adnotandi, momentum aliquod mihi concedatis PATRES *Sapientissimi*, gratus eodem sum fruiturus.

Tum primus, tum secundus ex aegrotis, quorum historias allegavi, laborabat *diarrhoea urinali* ex lotio, de vesica perforata, in rectum intestinum saepissime deploente, illudque clysteris acrioris in mo-

dum , ad frequentissimas excretiones stimu-
lante . Neque , si Auctores Medicinæ pra-
cticæ pervolvamus , desunt aliqua , quamvis
sæpè rara sint , horrendi huius mali exempla .
„ Sæpè , inquit SCHENKIUS , cadavere
„ Petri de *Schandès* , re medica illustris ,
„ præter lapides renum prodigiosos repen-
„ tos , etiam in recto intestino , a regione
„ colli vesicæ , inventa est carnositas putris ,
„ quæ sua putrilagine vesicam ita lacerave-
„ rat , ut intestinorum excrementa , *ante*
„ *obitum* , una cum urina redderet ad mi-
„ raculum usque , & forsitan antea non vi-
„ sam (a) “ .

In *Transactionibus Philosophicis* exem-
plum vermis sive *Ascaridis Lumbricoidis* nisi
polyposa potius materia fuerit , refertur a
Turnero , quem puer sexdecim mensium per
urethram excreverat (b) , cuique vix alius
ad vesicam aditus esse potuit , nisi , perfora-
to intestino sibi hunc ipsum in vesicam uri-
nalem paravisset . Uti rectè quoque de aliis ,
tum ex *Valisnerio* atque *Albifio* , tum ex
Boneto , desumptis exemplis monuit illustris

(a) Observat. Medicinal. Lib. III. p. 431.

(b) N. 391. p. 410.

Morgagnus (a). Alibi exemplum suppressae ab excrementis urinae habetur, quae, per viam, a previa intestini recti gangraena, natam, ad visicae cavum proruperant (b).

Puero, qui intra septendecim dies, urinam non reddiderat, perpetua interim aderat diarrhoea (c). Apud *Pechlinum*, in Ischuria vera, per alvum urina decessit, quae odore suo & renacitate se proderet (d). Ill. *Hallerus* ex *Groenveltio* exemplum aegroti refert, cui, cum, duodecimo die suppressae urinae, iam gravis lethargus ingrueret, urina multa cum levamine per alvum egesta est (e). Apud feminas, eiusmodi perforationum, tum intestini recti tum vaginae, tum urethrae, exempla non adeo quidem rara sunt, quam apud viros. Vos ipsi, Commilitones optimi, hoc eodem anno, in Clinica nostra vidistis mulierem, cui, ob abscessum venereum, foeces copiosae per genitalia excretae fuerunt. Simili & *Dodonaeus* exemplum confer-

(a) De Sed. & caus. Morb. Ep. 42. n. 6.

(b) Medical and philosophical commentaries Vol. II. P. II. p. 192. 193.

(c) Philos. Transf. n. 337.

(d) Obs. XI. L. I.

(e) Element. Physiol. §. II. p. 370.

vavit mulieris , quae , postquam diutino tempore purulenta foeditaque manifestissima exulcerati uteri signa per pudenda excrevisset , postremo & alvi excrementa per eundem locum demisit (a) . Atque alia huius naturae exempla conservavit *Schenkius* .

Videmus ergo , Auditores , quantum singulorum viscerum intersit , sanam inhabitare corporis viciniam ! — Ast quot non sunt causae , quibus haec nocua redditur , sanissimisque alias partibus periculosa ! Certe in primo , quem adduxi , aegroto , ex Haemorrhoidali intestini recti inflammatione neglecta , abscessus ortus fuit hanc partem cum ipsa vesica urinali perforans , ita ut & intestinales flatus , sat raro exemplo , urethrae vias multoties legissent ; quod idem mihi Sacerdos ille , cuius historiam enarravi , sibi saepius contigisse , retulerat . In Musices Magistri relato exemplo , carcinoma erat , cuius ichor vesicam corroserat ; & in praedicto infelici Sacerdote , ab usu adstringentium remediorum durante dysenteria perpeffa , inflammatio intestini recti nata est , unde eiusdem concretio cum poste-

B

(a) In annotat. ad c. 4. *Beniverii* ,

rioni vesicae urinalis pariete , atque utriusque visceris abscessus insanabilis , producta fuerunt . Sic nunc foeces ex intestino recto in vesicam delabentes , atque cum lotio commixtae , per urethram excernebantur ; nunc eadem , vesicae ostium obturantes , urinam ad ipsum intestinum depluere cogeant ; nunc vero , ubi adeo in vesicae cavo foeces accumulabantur , ut & ipsa ureterum ostia , per quae lotium ex renibus in vesicam defertur , obstruerent , urinae in ureteribus stagnationem , collectionem praeternaturalem usque ad ipsam renis utriusque pelvim producebant : unde dilatati in formam intestini tenuis ureteres , urinam tamdiu continebant , donec , soluta denuo materia foecali in vesica haerente , haec eadem aut per urethram excerneretur , aut naturales vias tandem relegeret .

Neque mirum videbitur , lethalem tandem haemorrhagiam intestinale in hoc misero aegroto fuisse excitatam : ut cuius vasa haemorrhoidalia continuo affluentis urinae balneo acerrimo , & praeternaturaliter dilatari successive debuerunt , & tandem dilacerari , atque in tabem purulentam corrodi .

Ast vero diutius , quam , ne patientia vestra abuterer , in his rebus versatus sum
PATRES *Sapientissimi* & AUDITORES Ho

moratissimi ! Ad vos igitur nunc me converto praestantissimi DOCTORES, utque sudore vestro comparatos honores tandem vestros esse sentiatís atque meis ex manibus publice concessos noscatis, Vos coram adpello. *Togam* hanc induite ! — sed, cum illa, morum quoque, sine qua Medicus nudissime in ipsa toga incederet, integritatem. — *Pileo* caput vestrum ornaté & in salvandis mortalibus coronam tandem mereamini civicam ! — *Epomide* hac cingite humeros & inter Medicinae Doctores cum eximiis eorundem privilegiis incedite ! ne vero, tot *crucigerorum* more, honoris humanitatisque signum in humeris, furorem aurique sacram favem in sinu fovete ! — En *librum* ! in hoc inventa hominum, & saeculorum experientias consulite ; sed in magno *naturae libro* veritatem legitote & per proprios, non alienos semper oculos obiecta tueri studete. — *Annulo* digitum circumdate, & hac ipsa manu pauperem succurrite, cives servate, Reipublicae vos nuptos sentite ! Ite amici, ite memores Academiae nostrae & dignitatis, quam in vos collocavit, memoresque mei, qui fraterno utrumque ex vobis animo amplector, faustaue omnia vobis apprecor ; Valeté !

Finis Secundi Voluminis.

E L E N C H U S .

- I.) *Ioannis Andreae MURRAY , de Materia Arthritica ad verenda aberrante . pag. 1--61*
- II.) *Carolus Ioseph OEHME , de Morbis recens natorum chirurgicis . 62--172*
- III.) *Ludovici SCHOELER , Dissertatio sistens Observat. super morbos Surinamensf. 173--216*
- IV.) *Ioan. Fried. GAUSBRAND , Dissertatio inauguralis Chemico-Medica de Acidorum , imprimis nitrosi & muriatici , dulcificatione . 217--252*
- V.) *Io. Gabrielis ZIMMERMANN , Dissertatio de Scarlatina in annis 1775. & 1776. epidemica . 253--312*
- VI.) *Io. Petrus FRANK , Sermo Academicus de Civis Medici in Republica &c. 1--76*
- VII.) *Io Petri FRANK , Oratio Academica de Vesica Urinali &c. 1--19*